



**UNDANG-UNDANG  
MALAYSIA**

**Akta 30**

**AKTA UNIVERSITI DAN KOLEJ  
UNIVERSITI 1971**

**&**

**Akta 1342**

**AKTA UNIVERSITI DAN KOLEJ  
UNIVERSITI (PINDAAN) 2009**

DISEDIAKAN UNTUK TUJUAN MEMUDAHKAN RUJUKAN DAN PERBANDINGAN  
UNIVERSITI TUN HUSSEIN ONN MALAYSIA

2009

# **AKTA UNIVERSITI DAN KOLEJ UNIVERSITI 1971**

## ***Akta A30***

Tarikh Perkenan Diraja ... .. 27 April 1971

Tarikh penyiaran dalam *Warta*... .. 29 April 1971

## ***Akta A1342***

Tarikh Perkenan Diraja ... .. 6 Januari 2009

Tarikh penyiaran dalam *Warta*... .. 8 Januari 2009

# UNDANG-UNDANG MALAYSIA

## Akta 30

### AKTA UNIVERSITI DAN KOLEJ UNIVERSITI 1971

#### SUSUNAN SEKSYEN

##### BAHAGIAN I

##### PERMULAAN

##### Seksyen

1. Tajuk ringkas
2. Tafsiran

##### BAHAGIAN II PELAJARAN TINGGI

3. Tanggungjawab Menteri
4. Kuasa Menteri untuk melantik orang atau badan untuk menyiasat
- 4A. Jawatankuasa untuk menasihati Menteri mengenai pelantikan
- 4B. Peminjaman atau perpindahan perkhidmatan pekerja Universiti oleh Menteri

##### BAHAGIAN III UNIVERSITI

5. Larangan tentang penubuhan Universiti
- 5A. Akta tidak terpakai kepada Universiti yang ditubuhkan di bawah triti, dsb.
6. Memperbadankan dan menubuhkan suatu Universiti
7. Kesan Perintah Perbadanan dan kuasa am institusi pelajaran tinggi yang merupakan suatu Universiti
8. Perlembagaan Universiti
9. Universiti hendaklah mengadakan pejabat sebagai alamat penyampaian di Malaysia
10. Salinan Statut, dsb., hendaklah disimpan di pejabat Universiti
11. Bantuan wang dan akaun
12. Penubuhan Kampus bagi sesuatu Universiti

- 13. Pengambilan tanah bagi maksud Universiti
- 14. Pengecualian daripada duti harta pusaka
- 15. Pelajar atau pertubuhan, badan atau kumpulan pelajar ~~dilarang~~ bersekutu dengan persatuan, dsb. ~~kecuali sebagai mana diperuntukkan di bawah Perlembagaan, atau diluluskan oleh Naib Canselor~~
- 15A. Pelajar atau pertubuhan, badan atau kumpulan pelajar dilarang memungut wang
- 15B. Tanggungan ~~jenayah pemegang jawatan, dll.,~~ pelajar atau pertubuhan, badan atau kumpulan pelajar
- 15C. Anggapan
- 15D. Penggantungan ~~dan pembuangan~~ pelajar yang dipertuduh atas suatu kesalahan ~~jenayah atau yang terhadapnya suatu kesalahan jenayah dibuktikan~~ boleh daftar dan perkara yang berhubungan dengan penahanan, dsb.
- 16. Kuasa Naib Canselor untuk menggantung atau membubarkan manamana pertubuhan, badan atau kumpulan pelajar
- 16A. Tatatertib kakitangan, pegawai dan pekerja Universiti
- 16B. Pihak berkuasa tatatertib mengenai pelajar Universiti
- 16C. Kaedah-kaedah tatatertib
- 16D. Surcaj
- 17. Perlembagaan hendaklah mengadakan perlindungan faedah di bawah skim kumpulan wang simpanan
- 18. Peruntukan peralihan

#### BAHAGIAN IV KOLEJ UNIVERSITI

- 19. Larangan ke atas penubuhan Kolej Universiti
- 20. Perbadanan dan penubuhan sesuatu Kolej Universiti
- 21. Perlembagaan Kolej Universiti
- 22. Pemakaian peruntukan dalam Bahagian III kepada Bahagian ini

#### BAHAGIAN V AM

- 23. Kesalahan menubuhkan Universiti atau Kolej Universiti
- 24. Larangan tertentu terhadap "Universiti" atau "Kolej Universiti"
- 24A. Penyampaian
- 24B. Akta Perlindungan Pihak Berkuasa Awam 1948
- 24C. Perbuatan atau peninggalan yang dilakukan dengan suci hati
- 24D. Pekhidmat awam
- 25. Universiti yang sedia ada
- 26. Pengecualian
- 27. Pemansuhan

JADUAL PERTAMA

JADUAL KEDUA

**UNDANG-UNDANG MALAYSIA**  
**Akta 30**

**AKTA UNIVERSITI DAN KOLEJ UNIVERSITI**  
**1971**

Suatu Akta untuk membuat peruntukan bagi menubuhkan, menyelenggara dan mentadbirkan Universiti dan Kolej Universiti dan bagi perkara lain yang berkenaan dengannya.

[ *Seluruh Malaysia—30 April 1971* ]

**MAKA INILAH DIPERBUAT UNDANG-UNDANG** oleh Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti yang berikut:

BAHAGIAN I  
PERMULAAN

**Tajuk ringkas**

1. Akta ini bolehlah dinamakan Akta Universiti dan Kolej Universiti 1971.

**Tafsiran**

2. Dalam Akta ini—

“Canselor”, berhubung dengan sesuatu Universiti, ertinya Canselor Universiti itu dan termasuklah mana-mana orang lain, dengan gelaran apa jua disebut, yang dilantik sebagai Ketua sesuatu Universiti dan “Pro-Canselor” hendaklah ditafsirkan sewajarnya;

“Fakulti”, berhubung dengan sesuatu Universiti, ertinya Fakulti Universiti itu dan termasuklah Sekolah, Pusat, Akademi dan Institut bagi Universiti itu dan berhubung dengan Kampus Universiti termasuklah mana-mana bahagian Fakulti, Sekolah, Pusat, Akademi dan Institut yang ditetapkan bagi Kampus itu;

“Institusi Pelajaran Tinggi” ertinya mana-mana Universiti atau Kolej Universiti yang ditubuhkan di bawah Akta ini;

“Kampus”, berhubung dengan sesuatu Universiti atau Kolej Universiti, ertinya Kampus **atau Kampus Cawangan** Universiti atau Kolej Universiti itu;

“kesalahan boleh daftar” mempunyai erti yang diberikan kepadanya di bawah **Akta Pendaftaran Penjenayah dan Orang yang Tidak Diingini 1969 [Akta 7]**;

“Lembaga”, berhubung dengan sesuatu Universiti, ertinya Lembaga Pengarah Universiti itu yang ditubuhkan mengikut Perlembagaan Universiti itu;

“Menteri” ertinya Menteri yang Naib bertanggungjawab bagi pendidikan dipertanggungjawabkan dengan tanggungjawab bagi pengajian tinggi;

“Naib Canselor”, berhubung dengan sesuatu Universiti, ertinya Naib Canselor, Presiden, Rektor atau Pengarah Universiti itu dan termasuklah mana-mana orang lain, dengan gelaran apa jua disebut, yang dilantik sebagai ketua pegawai eksekutif Universiti itu dan “Timbalan Naib Canselor” hendaklah ditafsirkan sewajarnya;

“pelajar” ertinya ~~seseorang pelajar berdaftar yang mengikuti kursus pengajian secara penuh masa atau sambilan di Universiti;~~ seseorang pelajar berdaftar, selain pelajar di suatu institusi yang bersekutu dengan Universiti atau Kolej Universiti, yang mengikuti kursus pengajian, pengajaran, latihan atau penyelidikan daripada apa-apa perihalan pada peringkat persediaan, pra-ijazah, lepas ijazah atau lepas kedoktoran secara sepenuh masa atau sambilan dalam, oleh atau dari Universiti atau Kolej Universiti itu, dan termasuklah pembelajaran jarak jauh, luar kampus, pertukaran dan pelajar tidak berijazah;

“Pelajaran tinggi” termasuklah pelajaran Universiti dan Kolej Universiti;

“Pelajaran Universiti atau Kolej Universiti” ertinya ~~pelajaran yang diadakan oleh Universiti atau Kolej Universiti;~~ pelajaran yang diadakan oleh Universiti atau Kolej Universiti pada peringkat persediaan, pra-ijazah, lepas ijazah atau lepas kedoktoran dan termasuklah penyelidikan dan pembangunan pelajaran dan pengkomersialan penyelidikan dan pembangunan itu;

“Perlembagaan”, berhubung dengan sesuatu Universiti, ertinya Perlembagaan Universiti itu yang secara substansialnya adalah dalam bentuk yang dinyatakan dalam Jadual Pertama;

“Senat”, berhubung dengan sesuatu Universiti, ertinya Senat bagi Universiti itu;

“Universiti” atau “Kolej Universiti” masing-masing ertinya suatu institusi pelajaran tinggi bertaraf Universiti atau Kolej Universiti.

## BAHAGIAN II PELAJARAN TINGGI

### **Tanggungjawab Menteri**

3. Tertakluk kepada peruntukan Akta ini, Menteri bertanggungjawab bagi pengarahannya am pelajaran tinggi dan pentadbiran Akta ini yang hendaklah selaras dengan dasar, strategi dan garis panduan kebangsaan mengenai pendidikan tinggi yang dibentuk atau yang ditentukan oleh suatu pihak berkuasa yang ditubuhkan di bawah mana-mana undang-undang bertulis bagi maksud itu.

### **Kuasa Menteri untuk melantik orang atau badan untuk menyiasat**

4. Bagi maksud membolehkan Menteri menjalankan tanggungjawabnya dengan lebih berkesan terhadap pelajaran tinggi dan pentadbiran Akta ini, Menteri boleh, dari semasa ke semasa, melantik mana-mana orang atau badan bagi menyiasat apa-apa

kegiatan atau pentadbiran mana-mana institusi pelajaran tinggi dan melaporkan kepadanya keputusan penyiasatan itu serta syor yang berhubungan dengannya.

#### **Jawatankuasa untuk menasihati Menteri mengenai pelantikan**

**4A.** Bagi maksud memilih orang yang layak dan sesuai bagi jawatan Naib Canselor atau bagi mana-mana jawatan *Universiti dan Kolej Universiti (Pindaan)* 3 lain yang Menteri mempunyai kuasa untuk melantik di bawah Akta ini, Menteri hendaklah, dari semasa ke semasa, melantik suatu jawatankuasa untuk menasihatinya mengenai pelantikan itu.

#### **Peminjaman atau perpindahan perkhidmatan pekerja Universiti oleh Menteri**

**4B.** (1) Jika atas permohonan suatu Universiti, pihak berkuasa berkanun atau pertubuhan yang memohon, Menteri berpuas hati bahawa demi kepentingan pelajaran tinggi atau bagi menggalakkan penyelidikan dan pembangunan pelajaran, adalah suai manfaat untuk meminjamkan atau memindahkan seseorang pekerja Universiti kepada perkhidmatan Universiti, pihak berkuasa berkanun atau pertubuhan yang memohon di dalam Malaysia, Menteri boleh, dengan persetujuan pekerja itu, mengeluarkan arahan bagi peminjaman atau perpindahan pekerja Universiti itu kepada perkhidmatan Universiti, pihak berkuasa berkanun atau pertubuhan yang memohon itu, dan adalah menjadi kewajipan Universiti pekerja tersebut untuk melaksanakan arahan itu sama ada atau tidak Universiti itu bersetuju dengan peminjaman atau perpindahan itu.

(2) Apa-apa tuntutan bagi pampasan yang berbangkit daripada peminjaman atau perpindahan seseorang pekerja Universiti menurut subseksyen (1) hendaklah dibayar oleh Universiti, pihak berkuasa berkanun atau pertubuhan yang memohon sama ada dibayar mengikut apa-apa perkiraan yang dipersetujui dengan Universiti pekerja tersebut atau selainnya.

### **BAHAGIAN III UNIVERSITI**

#### **Larangan tentang penubuhan Universiti**

5. Tertakluk kepada seksyen 5A, tiada institusi pelajaran tinggi bertaraf Universiti boleh ditubuhkan kecuali mengikut peruntukan Akta ini atau ~~mana-mana undang-undang bertulis lain yang mengawal selia penubuhannya.~~ **Akta Institusi Pendidikan Tinggi Swasta 1996 [Akta 555].**

#### **Akta tidak terpakai kepada Universiti yang ditubuhkan di bawah triti, dsb.**

5A. (1) Peruntukan Akta ini tidak terpakai bagi sesuatu institusi pelajaran tinggi yang bertaraf Universiti yang dibenarkan ditubuhkan di bawah suatu perintah yang dibuat oleh Yang di-Pertuan Agong di bawah subseksyen (2) dan mana-mana institusi pelajaran tinggi swasta yang diberi taraf Universiti atau Kolej Universiti di bawah ~~mana-mana undang-undang bertulis.~~ **Akta Institusi Pendidikan Tinggi Swasta 1996.**

(2) Yang di-Pertuan Agong boleh melalui perintah yang disiarkan di dalam *Warta* membenarkan penubuhan sesuatu institusi pelajaran tinggi yang bertaraf Universiti, apa jua nama atau gelarannya, jika dia berpuas hati bahawa ia akan ditubuhkan menurut sesuatu triti, perjanjian atau konvensyen antara Malaysia dengan mana-mana negara lain atau menurut mana-mana perjanjian antara Malaysia dengan sesuatu organisasi antarabangsa.

### **Memperbadankan dan menubuhkan suatu Universiti**

6. (1) Jika, Yang di-Pertuan Agong berpuas hati bahawa suai manfaat demi kepentingan negara supaya suatu Universiti ditubuhkan dia boleh dengan perintah—

- (a) mengisytiharkan ditubuhkan suatu institusi pelajaran tinggi yang mempunyai taraf Universiti yang menjadi suatu pertubuhan perbadanan bagi maksud mengadakan, memajukan dan mengembangkan pelajaran tinggi dalam semua cawangan pelajaran mengikut sebagaimana yang dinyatakan dalam perintah itu;
- (b) memberikan nama dan gelaran kepada Universiti itu; dan
- (c) menetapkan letaknya tapak tempat Universiti itu akan didirikan.

(1A) Yang di-Pertuan Agong boleh meminda, mengubah atau membatalkan sesuatu perintah yang dibuat di bawah subseksyen (1) melalui suatu perintah yang kemudian yang disiarkan dalam *Warta*.

(2) Sesuatu Perintah yang dibuat di bawah subseksyen (1) (kemudian daripada ini disebut “Perintah Perbadanan”) atau (1A) hendaklah dibentangkan dalam mesyuarat kedua-dua Majlis Parlimen yang akan datang.

### **Kesan Perintah Perbadanan dan kuasa am institusi pelajaran tinggi yang merupakan suatu Universiti**

7. (1) Apabila Perintah Perbadanan yang dibuat di bawah seksyen 6 mula berkuat kuasa, suatu institusi pelajaran tinggi yang mempunyai taraf Universiti, dengan nama dan gelaran yang diberikan kepadanya oleh Perintah itu, hendaklah disifatkan sebagai telah ditubuhkan, dan dengan namanya itu Canselor, Naib Canselor dan ahli pada masa itu bagi Lembaga dan Senat hendaklah disifatkan menjadi suatu pertubuhan perbadanan yang kekal turun-temurun dan dengan kuasa penuh, menurut dan atas namanya itu—

- (a) untuk membawa guaman dan dibawa guaman dalam semua mahkamah;
- (b) untuk memiliki dan menggunakan suatu meterai perbadanan dan mengubah meterai itu mengikut kehendaknya;
- (c) untuk membeli apa-apa harta alih atau harta tak alih dan mengambil, menerima dan memegang apa-apa harta yang terletak hak padanya oleh sebab sesuatu pembelian itu atau menurut apa-apa pemberian atau derma, pajakan, subsidi, legasi, pemberian berwasiat atau selainnya;

- (d) untuk menjual, memajakkan, menukar atau pun selainnya melupuskan mana-mana harta itu dengan apa-apa cara yang tidak berlawanan dengan apa-apa syarat atau sekatan yang dikenakan oleh Perlembagaan; dan
- (e) untuk menjalankan, menyempurnakan dan melaksanakan semua kuasa, kewajipan dan fungsi yang diberikan atau ditanggungkan ke atas Universiti itu oleh Akta ini atau Perlembagaan.

(2) Kuasa yang diberikan kepada sesuatu Universiti oleh subseksyen (1) hendaklah dijalankan oleh Lembaga melainkan jika selainnya diperuntukkan oleh Akta ini atau Perlembagaan.

### **Perlembagaan Universiti**

8. (1) Perlembagaan sesuatu Universiti hendaklah mengandungi peruntukan bagi semua perkara yang dinyatakan dalam Jadual Pertama kepada Akta ini.

(2) Jika pada bila-bila masa Perlembagaan sesuatu Universiti tidak mengandungi peruntukan yang dinyatakan dalam Jadual Pertama kepada Akta ini, Lembaga hendaklah mengambil langkah yang perlu bagi mengadakan peruntukan tersebut atau membuang peruntukan yang berlawanan dalam Perlembagaan itu.

(3) Dengan tidak menyentuh subseksyen (2), Yang di-Pertuan Agong boleh, pada bila-bila masa, meminda Perlembagaan sesuatu Universiti supaya sesuai dengan peruntukan dalam Jadual Pertama kepada Akta ini.

(4) Peruntukan Perlembagaan itu hendaklah berkuat kuasa dari tarikh yang ditetapkan oleh Yang di-Pertuan Agong dan hendaklah mempunyai kuat kuasa undang-undang dalam Malaysia.

(5) Apa-apa perkara yang dilakukan atau apa-apa pelantikan yang dibuat untuk dan bagi pihak Universiti sebelum tarikh Perlembagaan itu mula berkuat kuasa hendaklah, pada dan selepas tarikh itu, disifatkan sebagai telah dibuat untuk, oleh atau bagi pihak Universiti itu.

### **Universiti hendaklah mengadakan pejabat sebagai alamat penyampaian di Malaysia**

9. (1) Setiap Universiti hendaklah mengadakan dan menyelenggara suatu pejabat yang terletak dalam Malaysia, dan pejabat itu menjadi alamat penyampaian bagi Universiti untuk segala writ, surat tuntutan, notis, surat guaman, perintah, saman, waran atau segala jenis langkah prosiding dan perhubungan bertulis yang lain.

(2) Segala writ, surat tuntutan, notis, surat guaman, perintah, saman, waran atau prosiding lain atau perhubungan bertulis lain, jika ditinggalkan di pejabat yang diadakan dan diselenggara di bawah subseksyen (1), hendaklah disifatkan dalam segala prosiding dalam mana-mana Mahkamah di Malaysia sebagai telah disampaikan atau diserahkan dengan sempurnanya pada sesuatu Universiti atau mana-mana pegawai atau pihak berkuasa yang kepadanya ia telah dialamatkan.

### **Salinan Statut, dsb., hendaklah disimpan di pejabat Universiti**

10. Setiap Universiti hendaklah menyimpan di pejabat yang disebut dalam seksyen 9 suatu salinan setiap Statut, Kaedah, Peraturan atau surat lain semasa yang dikehendaki disiarkan di bawah Akta ini atau Perlembagaan, dan salinan itu hendaklah sentiasa boleh didapati pada setiap masa yang munasabah untuk diperiksa oleh orang awam dan jika mana-mana buku atau salinan surat dikehendaki oleh Akta ini atau Perlembagaan supaya diadakan untuk dibeli oleh orang awam, buku atau salinan itu hendaklah sentiasa diadakan untuk dibeli di pejabat itu atau di sesuatu tempat lain di Malaysia sebagaimana yang difikirkan patut oleh Universiti.

### **Bantuan wang dan akaun**

11. (1) Parlimen boleh dari semasa ke semasa memberikan bantuan wang kepada sesuatu Universiti.

(2) Semua wang yang dibayar kepada sesuatu Universiti di bawah subseksyen (1) hendaklah digunakan atau dibelanjakan oleh Universiti itu bagi semua atau mana-mana daripada maksud Universiti itu mengikut anggaran yang diluluskan di bawah peruntukan Perlembagaan:

Dengan syarat bahawa mana-mana wang yang diperuntukkan itu dan tidak digunakan bagi maksud perbelanjaan ulang tahunan Universiti itu boleh, dengan kelulusan Menteri, digunakan bagi perbelanjaan modal.

(3) Satu salinan akaun Universiti bagi setiap satu tahun kewangan hendaklah disediakan dan dihantar untuk diaudit sebelum 30 Julai selepas sahaja tahun kewangan itu; dan akaun itu serta laporan juruaudit hendaklah dihantar kepada Menteri.

(4) Menteri hendaklah menyebabkan supaya suatu salinan akaun Universiti itu yang telah diaudit dibentangkan dalam kedua-dua Majlis Parlimen.

### **Penubuhan Kampus bagi sesuatu Universiti**

~~12. (1) Yang di-Pertuan Agong boleh, dengan perintah yang disiarkan dalam Warta (kemudian daripada ini disebut "Perintah Kampus")—~~

~~(a) menubuhkan suatu Kampus Universiti;~~

~~(b) memberikan suatu nama yang sesuai bagi Kampus itu;~~

~~(c) menentukan tapak atau tempat Kampus itu yang menjadi sebagai tambahan kepada Kampus tempat Universiti itu didirikan;~~

~~(d) mengadakan Fakulti bagi Kampus itu;~~

~~(e) menentukan jabatan pengajian yang terkandung dalam Fakulti itu; dan~~

~~(f) menetapkan perkara lain sebagaimana yang perlu atau suai manfaat bagi melaksanakan Perintah Kampus itu.~~

~~2) — Yang di Pertuan Agong boleh pada bila-bila masa, meminda, mengubah atau membatalkan sesuatu Perintah Kampus dengan suatu perintah yang kemudian yang disiarkan dalam *Warta*.~~

### **Penubuhan Kampus Universiti**

12. (1) Menteri boleh, selepas berunding dengan Lembaga, melalui perintah yang disiarkan dalam *Warta* (kemudian daripada ini disebut “Perintah Kampus”) —

- (a) menubuhkan suatu Kampus Universiti di dalam atau di luar Malaysia;
- (b) memberikan nama atau gelaran yang sesuai bagi Kampus itu;
- (c) menentukan tapak atau tempat Kampus itu, yang menjadi tapak atau tempat yang hendaklah menjadi tambahan kepada Kampus tempat Universiti itu didirikan; dan
- (d) menetapkan apa-apa perkara lain sebagaimana yang perlu atau suai manfaat bagi melaksanakan Perintah Kampus itu.

(2) Menteri boleh meminda, mengubah atau membatalkan sesuatu Perintah Kampus melalui suatu perintah yang kemudian yang disiarkan dalam *Warta*.

(3) Jika mana-mana kawasan dikehendaki untuk digunakan oleh Universiti secara sementara bagi apa-apa maksud, Naib Canselor boleh, dengan keizinan Lembaga, meluluskan penggunaan kawasan itu bagi maksud itu oleh Universiti itu bagi apa-apa tempoh yang disifatkannya perlu, dan peruntukan Akta ini, Perlembagaan, Statut, Kaedah-Kaedah dan Peraturan-Peraturan Universiti hendaklah terpakai bagi kawasan itu sebagaimana yang Perlembagaan, Statut, Kaedah-Kaedah dan Peraturan-Peraturan Universiti itu terpakai bagi suatu Kampus.

### **Pengambilan tanah bagi maksud Universiti**

13. (1) Apabila apa-apa harta tak alih yang bukan tanah Kerajaan atau tanah rizab atau tanah yang terletak hak pada sesuatu Negeri atau pada Persekutuan atau tidak diduduki atau digunakan oleh Persekutuan atau pihak berkuasa awam bagi maksud Persekutuan dikehendaki bagi maksud Universiti dan tidak dapat diperolehi dengan cara persetujuan, harta itu boleh diperolehi mengikut peruntukan mana-mana undang-undang bertulis yang berhubungan dengan pengambilan tanah bagi sesuatu maksud awam, yang pada masa itu berkuat kuasa di Negeri tempat harta itu terletak, dan apa-apa akuan yang dikehendaki di bawah mana-mana undang-undang bertulis itu yang menyatakan bahawa tanah itu dikehendaki sedemikian itu boleh dibuat walaupun pampasan akan dibayar dari wang Universiti, dan akuan itu hendaklah berkuat kuasa seolah-olah ia suatu akuan bahawa tanah itu dikehendaki bagi suatu maksud awam dan dibuat mengikut undang-undang bertulis itu.

(2) Perbelanjaan dan pampasan mengenai mana-mana harta tak alih yang diperolehi di bawah subseksyen (1) hendaklah dibayar oleh Universiti.

(3) Semua harta tak alih yang diperoleh di bawah seksyen ini hendaklah terletak hak pada Universiti dan suatu catatan yang bermaksud demikian itu hendaklah dibuat dalam daftar yang berkenaan oleh pihak berkuasa pendaftaran yang berkenaan.

### **Pengecualian daripada duti harta pusaka**

14. Tiada duti harta pusaka kena dibayar bagi apa-apa jumlah pemberian wasiat kepada sesuatu Universiti, dan nilai harta yang berpindah apabila mati seseorang hendaklah disifatkan sebagai tidak termasuk jumlah pemberian wasiat itu bagi maksud menetapkan kadar duti harta pusaka.

### **~~Pelajar atau pertubuhan, badan atau kumpulan pelajar dilarang bersekutu dengan persatuan, dsb. kecuali sebagai mana diperuntukkan di bawah Perlembagaan, atau diluluskan oleh Naib Canselor~~**

~~15. (1) — Tiada sesiapa jua, semasa menjadi seorang pelajar Universiti, boleh menjadi seorang ahli, atau boleh dengan apa-apa cara bersekutu dengan, mana-mana persatuan, parti politik, kesatuan sekerja atau apa-apa jua pertubuhan, badan atau kumpulan orang lain, sama ada atau tidak ia ditubuhkan di bawah mana-mana undang-undang, sama ada ia di dalam Universiti atau di luar Universiti, dan sama ada ia di dalam Malaysia atau di luar Malaysia, kecuali sebagaimana yang diperuntukkan oleh atau di bawah Perlembagaan, atau kecuali sebagaimana yang diluluskan terlebih dahulu secara bertulis oleh Naib Canselor.~~

~~(2) — Tiada sesuatu pertubuhan, badan atau kumpulan pelajar Universiti, sama ada ditubuhkan oleh, di bawah atau mengikut Perlembagaan atau selainnya, boleh ada apa-apa gabungan, persekutuan atau apa-apa jua urusan lain dengan mana-mana persatuan, parti politik, kesatuan sekerja atau apa-apa jua pertubuhan, badan atau kumpulan orang lain, sama ada atau tidak ia ditubuhkan di bawah mana-mana undang-undang, sama ada ia di dalam Universiti atau di luar Universiti, dan sama ada ia di dalam Malaysia atau di luar Malaysia, kecuali sebagaimana yang diperuntukkan oleh atau di bawah Perlembagaan, atau kecuali sebagaimana yang diluluskan terlebih dahulu secara bertulis oleh Naib Canselor.~~

~~(3) — Tiada sesiapa jua, semasa menjadi seorang pelajar Universiti, boleh menyatakan atau berbuat sesuatu yang boleh ditafsirkan sebagai menyatakan sokongan, simpati atau bangkangan terhadap mana-mana parti politik atau kesatuan sekerja atau sebagai menyatakan sokongan atau simpati dengan mana-mana pertubuhan, badan atau kumpulan orang yang haram.~~

~~(4) — Tiada sesuatu pertubuhan, badan atau kumpulan pelajar Universiti, yang ditubuhkan oleh, di bawah atau mengikut Perlembagaan atau mana-mana pertubuhan, badan atau kumpulan pelajar Universiti lain, boleh menyatakan atau berbuat sesuatu yang boleh ditafsirkan sebagai menyatakan sokongan, simpati atau bangkangan terhadap mana-mana parti politik atau kesatuan sekerja atau sebagai menyatakan sokongan atau simpati dengan mana-mana pertubuhan, badan atau kumpulan orang yang haram.~~

~~(5) — Sesiapa jua yang melanggar atau tidak mematuhi peruntukan subseksyen (1), (2), (3) atau (4) bersalah atas suatu kesalahan dan boleh, apabila~~

~~disabitkan, didenda tidak melebihi satu ribu ringgit atau dipenjarakan selama tempoh tidak melebihi enam bulan atau kedua-duanya.~~

**Pelajar atau pertubuhan, badan atau kumpulan pelajar bersekutu dengan persatuan, dsb.**

15. (1) Seseorang pelajar Universiti boleh menjadi ahli mana-mana persatuan, pertubuhan, badan atau kumpulan orang, sama ada atau tidak ia ditubuhkan di bawah mana-mana undang-undang bertulis, sama ada ia di dalam atau di luar Universiti, dan sama ada ia di dalam atau di luar Malaysia, selain—

- (a) mana-mana parti politik, sama ada di dalam atau di luar Malaysia;
- (b) mana-mana pertubuhan, badan atau kumpulan orang yang menyalahi undang-undang, sama ada di dalam atau di luar Malaysia; atau
- (c) mana-mana pertubuhan, badan atau kumpulan orang yang telah ditetapkan oleh Menteri, selepas berunding dengan Lembaga, secara bertulis kepada Naib Canselor sebagai tidak sesuai demi kepentingan dan kesentosaan pelajar atau Universiti itu.

(2) Suatu pertubuhan, badan atau kumpulan pelajar Universiti yang ditubuhkan oleh, di bawah atau mengikut Perlembagaan boleh mempunyai apa-apa penggabungan, persekutuan atau urusan lain dengan mana-mana persatuan, pertubuhan, badan atau kumpulan orang, sama ada atau tidak ia ditubuhkan di bawah mana-mana undang-undang bertulis, sama ada ia di dalam atau di luar Universiti, dan sama ada ia di dalam atau di luar Malaysia, selain—

- (a) mana-mana parti politik, sama ada di dalam atau di luar Malaysia;
- (b) mana-mana pertubuhan, badan atau kumpulan orang yang menyalahi undang-undang, sama ada di dalam atau di luar Malaysia; atau
- (c) mana-mana pertubuhan, badan atau kumpulan orang yang telah ditetapkan oleh Menteri, selepas berunding dengan Lembaga, secara bertulis kepada Naib Canselor sebagai tidak sesuai demi kepentingan dan kesentosaan pelajar atau Universiti itu.

(3) Menjadi **tanggungjawab Naib Canselor** untuk menyampaikan kepada pelajar Universiti, dan pertubuhan, badan atau kumpulan pelajar Universiti, nama pertubuhan, badan atau kumpulan orang yang ditetapkan oleh Menteri di bawah perenggan (1)(c) dan (2)(c) sebagai tidak sesuai demi kepentingan dan kesentosaan pelajar atau Universiti itu.

(4) **Naib Canselor boleh**, atas permohonan seseorang pelajar Universiti, mengecualikan pelajar itu daripada peruntukan perenggan (1)(a), tertakluk kepada apa-apa terma dan syarat yang difikirkannya patut.

(5) Tiada seorang pun pelajar Universiti dan tiada pertubuhan, badan atau kumpulan pelajar Universiti yang ditubuhkan oleh, di bawah atau mengikut Perlembagaan, boleh menyatakan atau melakukan apa-apa jua yang boleh

semunasabahnya ditafsirkan sebagai menyatakan sokongan kepada atau simpati dengan atau bangkangan terhadap—

- (a) mana-mana parti politik, sama ada di dalam atau di luar Malaysia;
  - (b) mana-mana pertubuhan, badan atau kumpulan orang yang menyalahi undang-undang, sama ada di dalam atau di luar Malaysia; atau
  - (c) mana-mana pertubuhan, badan atau kumpulan orang yang ditetapkan oleh Menteri di bawah perenggan (1)(c) dan (2)(c) sebagai tidak sesuai demi kepentingan dan kesentosaan pelajar atau Universiti itu.
- (6) Walau apa pun subseksyen (5), seseorang pelajar Universiti tidak boleh dihalang daripada—
- (a) membuat pernyataan mengenai sesuatu perkara akademik yang berhubungan dengan perkara yang pelajar itu terlibat dalam pengajian atau penyelidikannya; atau
  - (b) menyatakan sendiri mengenai perkara yang disebut dalam perenggan (a) pada sesuatu seminar, simposium atau majlis seumpamanya yang tidak dianjurkan atau ditaja oleh mana-mana parti politik, sama ada di dalam atau di luar Malaysia, mana-mana pertubuhan, badan atau kumpulan orang yang menyalahi undang-undang, sama ada di dalam atau di luar Malaysia, atau mana-mana pertubuhan, badan atau kumpulan orang yang ditetapkan oleh Menteri di bawah perenggan (1)(c) dan (2)(c) sebagai tidak sesuai demi kepentingan dan kesentosaan pelajar atau Universiti itu.
- (7) Mana-mana pelajar Universiti yang melanggar subseksyen (1) atau (5) boleh dikenakan tindakan tatatertib.
- (8) Mana-mana pertubuhan, badan atau kumpulan pelajar Universiti yang melanggar subseksyen (2) atau (5) hendaklah diuruskan mengikut seksyen 16.

### **Pelajar atau pertubuhan, badan atau kumpulan pelajar dilarang memungut wang**

15A. (1) Tiada seseorang pelajar Universiti, atau sesuatu pertubuhan, badan atau kumpulan pelajar Universiti, boleh, di dalam atau di luar Kampus, atau di dalam atau di luar Malaysia, memungut atau cuba memungut, atau menganjurkan atau cuba menganjurkan apa-apa pemungutan, atau membuat apa-apa rayuan secara lisan atau secara bertulis atau selainnya atau cuba membuat sesuatu rayuan itu untuk, apa-apa wang atau harta lain daripada sesiapa jua, iaitu bukan wang atau harta yang genap atau hampir genap masanya diperoleh di bawah atau menurut mana-mana undang-undang bertulis, kontrak atau kewajipan lain di sisi undang-undang.

(2) ~~Sesiapa jua yang melanggar atau tidak mematuhi subseksyen (1) bersalah atas suatu kesalahan dan boleh, apabila disabitkan, didenda tidak melebihi satu ribu ringgit atau dipenjarakan selama tempoh tidak melebihi enam bulan atau kedua-duanya.~~ Mana-mana orang yang melanggar subseksyen (1) boleh dikenakan tindakan tatatertib.

(3) Menteri boleh, dalam sesuatu kes tertentu, menurut budi bicara mutlaknyā memberikan pengecualian kepada sesiapa jua daripada kuat kuasa subseksyen (1), tertakluk kepada apa-apa terma dan syarat dan bagi apa-apa tempoh sebagaimana yang difikirkannya patut menurut budi bicara mutlaknyā. **Naib Canselor boleh, dalam mana-mana hal tertentu, memberikan pengecualian kepada mana-mana orang daripada pemakaian subseksyen (1), tertakluk kepada apa-apa terma dan syarat yang difikirkannya patut.**

(4) ~~Tanpa menyentuh peruntukan mana-mana undang-undang bertulis yang lain berhubung dengan perwakilan kuasa, Menteri boleh, melalui pemberitahuan dalam *Warta*, mewakilkan penjalanan kuasanya di bawah subseksyen (3) kepada Naib Canselor mengenai pemungutan wang dalam Kampus daripada orang dalam Kampus, tertakluk kepada apa-apa syarat dan sekatan sebagaimana yang ditetapkan dalam pemberitahuan itu.~~

(5) Peruntukan seksyen ini tambahan kepada dan tidak mengurangkan kuasa peruntukan mana-mana undang-undang bertulis yang berhubung dengan pungutan rumah ke rumah dan di jalan, pungutan awam, atau pungutan wang atau jualan lencana.

### **Tanggungjawab jenayah pemegang jawatan, dll., pertubuhan, badan atau kumpulan pelajar**

15B. (1) ~~Jika sesuatu kesalahan telah dilakukan di bawah mana-mana undang-undang bertulis, sama ada atau tidak seseorang telah disabitkan atasnya, dan kesalahan itu telah dilakukan atau berupa sebagai telah dilakukan atas nama atau bagi pihak sesuatu pertubuhan, badan atau kumpulan pelajar Universiti yang ditubuhkan oleh, di bawah atau mengikut Perlembagaan, atau mana-mana pertubuhan, badan atau kumpulan pelajar Universiti yang lain, tiap-tiap pemegang jawatan bagi pertubuhan, badan atau kumpulan itu dan tiap-tiap orang yang menguruskan atau membantu dalam pengurusan pertubuhan, badan atau kumpulan itu pada masa berlakunya kesalahan itu hendaklah disifatkan sebagai bersalah atas kesalahan itu dan boleh dikenakan hukuman yang ditetapkan oleh undang-undang bagi kesalahan itu, melainkan jika dia membuktikan dengan memuaskan mahkamah bahawa kesalahan itu telah dilakukan tanpa pengetahuannya dan bahawa dia telah menjalankan segala usaha yang sewajarnya untuk mencegah berlakunya kesalahan itu.~~

(2) ~~Seseorang pemegang jawatan bagi, atau seseorang yang menguruskan atau membantu dalam pengurusan, mana-mana pertubuhan, badan atau kumpulan seperti yang disebut dalam subseksyen (1) boleh didakwa di bawah seksyen ini, walaupun dia mungkin telah tidak mengambil bahagian dalam melakukan kesalahan itu.~~

(3) ~~Dalam sesuatu pendakwaan di bawah seksyen ini terhadap seseorang pemegang jawatan bagi, atau terhadap seseorang yang menguruskan atau membantu dalam pengurusan, mana-mana pertubuhan, badan atau kumpulan seperti yang disebut dalam subseksyen (1), apa-apa dokumen yang dijumpai dalam milik seseorang pemegang jawatan bagi, atau orang yang menguruskan atau membantu dalam pengurusan, pertubuhan, badan atau kumpulan itu, atau dalam milik seseorang ahli pertubuhan, badan atau kumpulan itu adalah menjadi keterangan *prima facie* mengenai~~

kandungannya bagi maksud membuktikan bahawa sesuatu telah dilakukan atau berupa sebagai telah dilakukan oleh atau bagi pihak pertubuhan, badan atau kumpulan itu.

### **Tanggungjawab pelajar atau pertubuhan, badan atau kumpulan Pelajar**

15B. Jika suatu kesalahan boleh daftar telah dilakukan di bawah mana-mana undang-undang bertulis dan kesalahan itu telah dilakukan atau berupa sebagai telah dilakukan atas nama atau bagi pihak mana-mana pertubuhan, badan atau kumpulan pelajar Universiti yang ditubuhkan oleh, di bawah atau mengikut Perlembagaan, tiap-tiap orang yang disabitkan atas kesalahan itu boleh dikenakan tindakan tatatertib dan pertubuhan, badan atau kumpulan pelajar itu hendaklah diuruskan mengikut seksyen 16.

### **Anggapan**

15C. Dalam sesuatu pendakwaan di bawah Akta ini—

- (a) — tidaklah perlu bagi pihak pendakwa membuktikan bahawa sesuatu pertubuhan, badan atau kumpulan orang mempunyai sesuatu nama atau bahawa ia telah ditubuhkan atau biasanya dikenali dengan sesuatu nama tertentu;
- (b) — jika apa-apa buku, akaun, tulisan, senarai ahli, meterai, panji-panji atau insignia bagi, atau yang berhubungan dengan, atau berupa sebagai yang berhubungan dengan, sesuatu pertubuhan, badan atau kumpulan orang dijumpai dalam milik, simpanan atau di bawah kawalan seseorang, hendaklah dianggap, sehingga dibuktikan sebaliknya, bahawa orang itu seorang ahli pertubuhan, badan atau kumpulan itu, dan pertubuhan, badan atau kumpulan itu hendaklah dianggap, sehingga dibuktikan sebaliknya, sebagai wujud pada masa buku, akaun, tulisan, senarai ahli, meterai, panji-panji atau insignia itu dijumpai sedemikian; dan
- (c) — jika apa-apa buku, akaun, tulisan, senarai ahli, meterai, panji-panji atau insignia bagi, atau yang berhubungan dengan, sesuatu pertubuhan, badan atau kumpulan orang dijumpai dalam milik, simpanan atau di bawah kawalan seseorang, hendaklah dianggap, sehingga dibuktikan sebaliknya, bahawa orang itu membantu dalam pengurusan pertubuhan, badan atau kumpulan itu.

### **Penggantungan dan pembuangan pelajar yang dipertuduh atas suatu kesalahan jenayah atau yang terhadapnya suatu kesalahan jenayah dibuktikan**

15D. (1) — Jika seseorang pelajar Universiti dipertuduh atas suatu kesalahan jenayah, dia hendaklah dengan itu serta-merta digantung daripada menjadi seorang pelajar Universiti dan dia tidak boleh, dalam masa menunggu keputusan prosiding jenayah itu, tinggal atau masuk dalam Kampus Universiti itu atau Kampus mana-mana Universiti lain.

(2) — Jika mahkamah mendapati sesuatu pertuduhan atas suatu kesalahan jenayah dibuktikan terhadap seorang pelajar Universiti, pelajar itu dengan itu serta-merta terhenti menjadi seorang pelajar Universiti itu dan dia tidak boleh tinggal atau masuk dalam Kampus Universiti itu atau Kampus mana-mana Universiti lain.

~~(3) — Seseorang pelajar Universiti yang ditahan, atau yang tertakluk kepada apa-apa perintah yang mengenakan sekatan ke atasnya, di bawah mana-mana undang-undang bertulis yang berhubungan dengan tahanan perlindungan atau keselamatan dalam negeri dengan itu serta merta terhenti menjadi seorang pelajar Universiti itu dan dia tidak boleh tinggal atau masuk dalam Kampus Universiti itu atau Kampus mana-mana Universiti lain.~~

~~(4) — Seseorang pelajar Universiti yang digantung daripada menjadi seorang pelajar Universiti di bawah subseksyen (1) tidak boleh, semasa dia digantung sedemikian, diterima menjadi seorang pelajar mana-mana Universiti lain dalam Malaysia tanpa kelulusan bertulis Menteri, dan jika Menteri memberikan kelulusan itu, Menteri boleh mengenakan apa-apa terma dan syarat sebagaimana yang difikirkannya patut dikenakan, menurut budi bicara mutlakny.~~

~~(5) — Seseorang pelajar Universiti yang terhenti menjadi seorang pelajar Universiti di bawah subseksyen (2) atau (3) tidak boleh diterima menjadi seorang pelajar Universiti itu atau manamana Universiti lain dalam Malaysia tanpa kelulusan bertulis Menteri, dan jika Menteri memberikan kelulusan itu, Menteri boleh mengenakan apa-apa terma dan syarat sebagaimana yang difikirkannya patut dikenakan, menurut budi bicara mutlakny.~~

~~(6) — Seseorang yang tinggal atau masuk dalam Kampus manamana Universiti bersalahan dengan subseksyen (1), (2) atau (3) atau yang dapat masuk menjadi pelajar mana-mana Universiti bersalahan dengan subseksyen (4) atau (5) bersalahan atas suatu kesalahan dan boleh, apabila disabitkan, didenda tidak melebihi satu ribu ringgit atau dipenjarakan selama tempoh tidak melebihi enam bulan atau kedua-duanya.~~

~~(7) — Subseksyen (1), (2), (3), (4) dan (5) hendaklah terpakai bagi seseorang walaupun keputusan masih ditunggu dalam mana-mana mahkamah atau di hadapan mana-mana pihak berkuasa lain mengenai apa-apa permohonan, petisyen, rayuan atau apa-apa jua prosiding lain yang dibuat olehnya atau oleh mana-mana orang lain berkenaan dengan prosiding jenayah, tahanan, atau perintah yang mengenakan sekatan itu, mengikut mana-mana yang berkenaan:~~

~~Dengan syarat bahawa selepas sahaja diputuskan permohonan petisyen, rayuan atau prosiding lain Menteri boleh, menurut budi bicara mutlakny, memberi perhatian kepada keputusan itu dan memberikan pengecualian kepada pelajar itu daripada kuat kuasa subseksyen (1), (2), (3), (4) atau (5), mengikut mana-mana yang berkenaan, atas apa-apa terma dan syarat sebagaimana yang difikirkannya patut dikenakan menurut budi bicara mutlakny.~~

~~(8) — Menteri boleh, pada bila-bila mas a, dalam sesuatu kes tertentu, menurut budi bicara mutlakny, memberikan pengecualian kepada seseorang daripada kuat kuasa subseksyen (1), (2), (3), (4) atau (5), mengikut mana-mana yang berkenaan, sama ada tanpa syarat, atau atas apa-apa terma dan syarat, atau bagi apa-apa tempoh sebagaimana yang difikirkannya patut menurut budi bicara mutlakny.~~

~~(9) — (Dipotong oleh Akta A946).~~

**Penggantungan pelajar yang dipertuduh atas kesalahan boleh daftar dan perkara yang berhubungan dengan penahanan, dsb.**

**15D.** (1) Jika seseorang pelajar Universiti dipertuduh atas suatu kesalahan boleh daftar—

- (a) dia boleh, mengikut budi bicara Naib Canselor, digantung daripada menjadi seorang pelajar; dan
- (b) jika digantung sedemikian, dia tidak boleh semasa prosiding jenayah belum selesai, berada dalam atau memasuki Kampus.

(2) Jika seseorang pelajar Universiti yang dipertuduh atas suatu kesalahan boleh daftar di bawah subseksyen (1) disabitkan atas kesalahan itu, pelajar itu boleh dikenakan tindakan tatatertib.

(3) Jika seseorang pelajar Universiti ditahan atau tertakluk kepada apa-apa perintah yang mengenakan sekatan ke atasnya di bawah mana-mana undang-undang bertulis yang berhubungan dengan tahanan pencegahan atau keselamatan dalam negeri, pelajar itu boleh dikenakan tindakan tatatertib.

(4) Seseorang pelajar Universiti yang ditahan atau tertakluk kepada apa-apa perintah yang mengenakan sekatan ke atasnya di bawah mana-mana undang-undang bertulis yang berhubungan dengan tahanan pencegahan atau keselamatan dalam negeri, atau dipenjarakan atau ditahan bagi apa-apa jua sebab, boleh, dengan persetujuan Senat, dibenarkan untuk menduduki peperiksaan Universiti itu tertakluk kepada apa-apa perintah yang dibuat atau kelulusan yang diberikan oleh Menteri yang bertanggungjawab bagi keselamatan dalam negeri atau mana-mana pihak berkuasa berwibawa lain, mengikut kehendak keadaan.

(5) Seseorang pelajar Universiti yang digantung daripada menjadi pelajar Universiti itu di bawah subseksyen (1) boleh, semasa dia digantung sedemikian, diterima masuk sebagai pelajar mana-mana Universiti yang ditubuhkan di bawah Akta ini dengan kelulusan bertulis Menteri, dan jika Menteri memberikan kelulusan itu, Menteri boleh mengenakan apa-apa terma dan syarat yang difikirkannya patut.

(6) Seseorang pelajar Universiti yang terhenti menjadi seorang pelajar di bawah Akta ini boleh diterima masuk sebagai pelajar Universiti itu atau mana-mana Universiti lain yang ditubuhkan di bawah Akta ini dengan kelulusan bertulis Menteri, dan jika Menteri memberikan kelulusan itu, Menteri boleh mengenakan apa-apa terma dan syarat yang difikirkannya patut.

(7) Jika penentuan mana-mana permohonan, rayuan atau prosiding lain oleh mahkamah berkenaan dengan mana-mana prosiding jenayah terhadap seseorang pelajar Universiti bagi suatu kesalahan boleh daftar, berkeputusan dengan pelepasan atau pembebasannya, pelajar itu, jika digantung daripada Universiti atau telah menjalani apa-apa tempoh pemenjaraan, mengikut mana-mana yang berkenaan, hendaklah dibenarkan untuk menyambung semula pengajiannya di Universiti itu dan tempoh penggantungan atau pemenjaraan itu, mengikut mana-mana yang berkenaan, tidak boleh diambil kira dalam mengira tempoh maksimum yang dibenarkan untuk menyempurnakan kursus pengajian dan dalam pengiraan keputusannya.

(8) Jika penentuan mana-mana permohonan, petisyen, rayuan atau prosiding lain oleh mahkamah atau mana-mana pihak berkuasa berwibawa berkenaan dengan perintah tahanan terhadap atau perintah yang mengenakan sekatan ke atas seseorang pelajar Universiti di bawah mana-mana undang-undang bertulis yang berhubungan dengan tahanan pencegahan atau keselamatan dalam negeri, berkeputusan dengan pelepasannya atau sekatan yang dikenakan ke atasnya dibatalkan, pelajar itu hendaklah dibenarkan untuk menyambung semula pengajiannya di Universiti itu dan tempoh tahanan dan sekatan yang dia tertakluk kepadanya tidak boleh diambil kira dalam mengira tempoh maksimum yang dibenarkan untuk menyempurnakan kursus pengajian dan dalam pengiraan keputusannya.

### **Kuasa Naib Canselor untuk menggantung atau membubarkan mana-mana pertubuhan, badan atau kumpulan pelajar**

16. (1) Jika mana-mana pertubuhan, badan atau kumpulan pelajar Universiti menjalankan urusannya dengan cara yang, **pada pendapat Naib Canselor**, boleh merosakkan atau mendatangkan mudarat kepada kepentingan atau kesentosaan Universiti, atau kepada kepentingan atau kesentosaan mana-mana daripada pelajar atau kakitangan **pekerja** Universiti, atau kepada ketenteraman atau keselamatan awam, atau jika mana-mana pertubuhan, badan atau kumpulan itu melanggar mana-mana undang-undang bertulis, **Naib Canselor boleh selepas memberikan pertubuhan, badan atau kumpulan pelajar Universiti itu suatu peluang untuk membuat representasi bertulis menggantung atau membubarkan pertubuhan, badan atau kumpulan itu.**

(2) Mana-mana pertubuhan, badan atau kumpulan pelajar Universiti yang terkilang dengan penggantungan atau pembubaran yang dibuat di bawah subseksyen (1) boleh, dalam masa empat belas hari dari tarikh penerimaan notis penggantungan atau pembubaran itu, merayu secara bertulis kepada Menteri.

### **~~Tatatertib kakitangan, pegawai dan pekerja Universiti~~**

~~16A. (1) Lembaga hendaklah mempunyai kuasa tatatertib ke atas tiap-tiap kakitangan, pegawai dan pekerja Universiti dan hendaklah menjalankan kawalan tatatertib berkenaan dengan kesemua orang itu mengikut Akta ini dan apa-apa kaedah yang dibuat di bawah seksyen 16C.~~

~~(2) Lembaga boleh, melalui pemberitahuan dalam *Warta*, menubuhkan jawatankuasa tatatertib yang berlainan bagi kategori yang berlainan kakitangan, pegawai dan pekerja.~~

~~(3) Jawatankuasa tatatertib hendaklah menjalankan kuasanya dalam segala perkara yang berhubungan dengan tatatertib tiap-tiap kakitangan, pegawai dan pekerja yang diletakkan di bawah bidang kuasanya.~~

~~(4) Seseorang kakitangan, pegawai atau pekerja yang menjadi ahli sesuatu jawatankuasa tatatertib tidak boleh berpangkat lebih rendah daripada mana-mana kakitangan, pegawai atau pekerja yang ke atasnya jawatankuasa tatatertib itu mempunyai kuasa tatatertib.~~

~~(5) — Dalam apa-apa hal jika seseorang ahli jawatankuasa tata tertib itu sendiri merupakan pengadu dalam apa-apa prosiding tata tertib di hadapan jawatankuasa tata tertib itu, dia tidak boleh hadir dalam prosiding itu dan Lembaga hendaklah melantik mana-mana orang lain untuk mengambil bahagian dalam prosiding itu.~~

~~(6) — Subseksyen (4) hendaklah terpakai bagi mana-mana orang lain yang dilantik untuk menganggotai jawatankuasa tata tertib di bawah subseksyen (5).~~

~~(7) — Pada menjalankan fungsi dan kuasa tata tertibnya, jawatankuasa tata tertib hendaklah mempunyai kuasa untuk mengambil apa-apa tindakan tata tertib dan mengenakan apa-apa hukuman tata tertib atau apa-apa gabungan dua atau lebih hukuman tata tertib yang diperuntukkan di bawah kaedah-kaedah yang dibuat di bawah seksyen 16C.~~

~~(8) — Jawatankuasa tata tertib tidak mempunyai bidang kuasa berkenaan dengan Canselor, Pro-Canselor dan Naib Canselor.~~

~~(9) — Mana-mana kakitangan, pegawai atau pekerja yang tidak berpuas hati dengan keputusan jawatankuasa tata tertib boleh, dalam masa tiga puluh hari dari tarikh penyampaian keputusan itu kepadanya, merayu secara bertulis terhadap keputusan itu kepada Lembaga.~~

~~(10) — Apabila Lembaga menimbangkan apa-apa rayuan di bawah subseksyen (9), ahli jawatankuasa tata tertib yang terhadap keputusannya rayuan itu dibuat tidak boleh hadir atau mengambil bahagian dalam apa-apa cara dalam apa-apa prosiding yang berhubungan dengan rayuan itu.~~

~~(11) — Lembaga hendaklah mempunyai kuasa untuk mengesahkan, mengakaskan atau mengubah keputusan jawatankuasa tata tertib atau memberikan apa-apa arahan tentang rayuan itu sebagaimana yang difikirkan patut dan wajar olehnya.~~

~~(12) — Keputusan Lembaga tentang suatu rayuan muktamad.~~

### **Pihak berkuasa tata tertib mengenai pelajar Universiti**

16B. (1) Pihak berkuasa tata tertib Universiti berkenaan dengan tiap-tiap pelajar Universiti ialah **Naib Canselor**.

(2) **Naib Canselor** yang menjadi pihak berkuasa tata tertib di bawah subseksyen (1) **mempunyai kuasa** untuk mengambil apa-apa tindakan tata tertib dan mengenakan apa-apa hukuman tata tertib sebagaimana yang diperuntukkan di bawah mana-mana kaedah tata tertib yang mungkin dibuat oleh Lembaga di bawah seksyen 16C.

~~(3) — Naib Canselor yang menjadi pihak berkuasa tata tertib di bawah subseksyen (1), boleh mewakilkan mana-mana daripada fungsi, kuasa atau kewajipan tata tertibnya kepada mana-mana Timbalan Naib Canselor, mana-mana kakitangan, mana-mana pegawai atau mana-mana pekerja Universiti, atau kepada manamana lembaga kakitangan, pegawai atau pekerja Universiti, mengenai mana-mana pelajar tertentu, atau mana-mana golongan atau kategori pelajar Universiti, dan Timbalan Naib Canselor kakitangan, pegawai atau pekerja atau lembaga yang kepadanya diwakilkan~~

~~fungsi, kuasa atau kewajipan itu hendaklah melaksanakan, menjalankan dan menyempurnakannya di bawah arahan dan kawalan Naib Canselor itu yang mempunyai kuasa untuk mengulang kaji, membatalkan atau mengubah apa-apa keputusan atau kesimpulan Timbalan Naib Canselor kakitangan, pegawai atau pekerja itu dan lembaga itu:~~

~~Dengan syarat bahawa tiada apa-apa perwakilan boleh dibuat di bawah subseksyen ini kepada Canselor atau Pro-Canselor.~~

~~(3) Naib Canselor boleh mewakilkan fungsi, kuasa atau kewajipan tatatertibnya kepada mana-mana Timbalan Naib Canselor, pekerja Universiti, atau jawatankuasa pekerja Universiti, berkenaan dengan mana-mana pelajar tertentu atau mana-mana golongan atau kategori pelajar Universiti.~~

~~(3A) Naib Canselor, atau Timbalan Naib Canselor, pekerja atau jawatankuasa pekerja yang diwakilkan dengan fungsi, kuasa atau kewajipan di bawah subseksyen (3), hendaklah memaklumkan pelajar itu secara bertulis alasan bagi tindakan tatatertib yang dicadangkan diambil terhadapnya dan hendaklah memberikannya peluang yang munasabah untuk didengar.~~

~~(3B) Seseorang pelajar Universiti hendaklah mempunyai hak untuk diwakili oleh seseorang pekerja atau pelajar lain Universiti itu dalam mana-mana prosiding tatatertib yang diambil terhadapnya.~~

~~(3C) Seseorang pelajar Universiti hendaklah dibenarkan untuk membuat representasi bertulis atau lisan dalam mana-mana prosiding tatatertib yang diambil terhadapnya.~~

~~(3D) Keputusan Naib Canselor, Timbalan Naib Canselor, pekerja atau jawatankuasa pekerja, mengikut mana-mana yang berkenaan, dalam mana-mana prosiding tatatertib yang diambil terhadap seseorang pelajar Universiti hendaklah disampaikan secara bertulis kepada pelajar itu dalam masa empat belas hari dari tarikh keputusan itu.~~

~~(4) Seseorang pelajar yang tidak berpuas hati dengan keputusan Naib Canselor yang menjadi pihak berkuasa tatatertib di bawah subseksyen (1) atau keputusan mana-mana orang atau lembaga yang kepadanya diwakilkan fungsi, kuasa atau kewajipan di bawah subseksyen (3) boleh dalam masa tiga puluh hari dari tarikh penyampaian keputusan itu kepadanya, merayu terhadap keputusan itu kepada Menteri yang boleh, jika difikirkannya patut, menolak secara terus rayuan itu. Mana-mana pelajar Universiti yang tidak berpuas hati dengan keputusan Naib Canselor, Timbalan Naib Canselor, pekerja atau jawatankuasa pekerja, mengikut mana-mana yang berkenaan, di bawah subseksyen (3D) boleh, dalam masa empat belas hari dari tarikh penerimaan keputusan itu, mengemukakan rayuan secara bertulis kepada Jawatankuasa Rayuan Tatatertib Pelajar yang ditubuhkan oleh Lembaga di bawah subseksyen (5).~~

~~(5) Jika Menteri tidak menolak secara terus sesuatu rayuan di bawah subseksyen (4), dia hendaklah melantik suatu jawatankuasa terdiri daripada dua orang atau lebih, dari dalam atau luar Universiti, untuk menimbangkan rayuan itu dan membuat syornya kepada menteri, dan, apabila syor itu diterima, Menteri boleh memberikan apa-apa keputusan mengenai rayuan itu sebagaimana yang difikirkan~~

~~sesuai dan patut.~~ Lembaga hendaklah menubuhkan suatu Jawatankuasa Rayuan Tatatertib Pelajar untuk mendengar dan memutuskan apa-apa rayuan yang dikemukakan oleh seseorang pelajar di bawah subseksyen (4).

(6) Jawatankuasa Rayuan Tatatertib Pelajar hendaklah terdiri daripada tiga orang ahli yang hendaklah dilantik oleh Lembaga, dua orang daripadanya hendaklah daripada kalangan ahlinya dan seorang lagi daripada Universiti.

(7) Lembaga hendaklah melantik mana-mana ahlinya yang disebut dalam subseksyen (5) untuk menjadi pengerusi Jawatankuasa Rayuan Tatatertib Pelajar.

(8) Tiada seorang pun yang telah menjalankan kuasa di bawah subseksyen (2) atau (3) boleh menjadi ahli Jawatankuasa Rayuan Tatatertib Pelajar.

(9) Seseorang pelajar Universiti yang mengemukakan rayuan di bawah subseksyen (4) hendaklah mempunyai hak untuk diwakili oleh seseorang pekerja atau pelajar lain Universiti itu dalam mana-mana prosiding di hadapan Jawatankuasa Rayuan Tatatertib Pelajar.

(10) Seseorang pelajar Universiti yang mengemukakan rayuan di bawah subseksyen (4) hendaklah dibenarkan untuk membuat representasi bertulis dalam mana-mana prosiding di hadapan Jawatankuasa Rayuan Tatatertib Pelajar.

(11) Jawatankuasa Rayuan Tatatertib Pelajar yang mendengar suatu rayuan di bawah subseksyen (5) hendaklah memutuskan rayuan itu dalam masa tiga puluh hari dari tarikh penerimaan rayuan.

(12) Keputusan Jawatankuasa Rayuan Tatatertib Pelajar mengenai sesuatu rayuan hendaklah disampaikan secara bertulis kepada pelajar itu dalam masa empat belas hari dari tarikh keputusannya.

### **Kaedah-kaedah tatatertib**

16C. (1) Lembaga mempunyai kuasa untuk membuat apa-apa kaedah tatatertib sebagaimana yang difikirkannya perlu atau suai manfaat untuk mengadakan peruntukan mengenai tatatertib bagi ~~kakitangan, pegawai dan pekerja Universiti dan pelajar Universiti~~; kaedah-kaedah tatatertib yang dibuat di bawah subseksyen ini hendaklah disiarkan dalam *Warta*.

(2) ~~Kaedah-kaedah tatatertib yang dibuat oleh Lembaga di bawah seksyen ini boleh termasuk peruntukan bagi menahan kerja dengan dikurangkan gaji atau saraan lain, atau peruntukan bagi menggantung tanpa gaji atau saraan lain, seseorang kakitangan atau seseorang pegawai atau pekerja Universiti, dan bagi menggantung seseorang pelajar Universiti, dalam masa menunggu keputusan prosiding tatatertib.~~ Kaedah-kaedah tatatertib yang dibuat di bawah seksyen ini boleh termasuk peruntukan bagi penggantungan seseorang pelajar Universiti semasa prosiding tatatertib belum selesai.

(3) ~~Kaedah-kaedah tatatertib yang dibuat di bawah seksyen ini hendaklah mewujudkan apa-apa kesalahan tatatertib dan mengadakan peruntukan bagi apa-apa hukuman tatatertib sebagaimana yang difikirkan sesuai oleh Lembaga, dan hukuman~~

yang diperuntukkan sedemikian boleh termasuk hukuman pempuangan kerja atau penurunan pangkat kakitangan, pegawai atau pekerja Universiti atau pempuangan pelajar Universiti dari Universiti. **Kaedah-kaedah tata tertib yang dibuat di bawah seksyen ini hendaklah mewujudkan apa-apa kesalahan tata tertib dan mengadakan peruntukan bagi apa-apa hukuman tata tertib yang difikirkan sesuai oleh Lembaga, dan hukuman yang diperuntukkan sedemikian boleh meliputi pempuangan pelajar daripada Universiti**

(4) ~~Kaedah-kaedah tata tertib yang dibuat di bawah seksyen ini hendaklah pada menetapkan tatacara bagi prosiding tata tertib, mengadakan peruntukan bagi peluang untuk rayuan dibuat oleh orang yang terhadapnya prosiding tata tertib itu dijalankan sebelum sesuatu keputusan dicapai oleh pihak berkuasa tata tertib atas pertuduhan tata tertib yang dibuat terhadap orang itu.~~ **Kaedah-kaedah tata tertib yang dibuat di bawah seksyen ini hendaklah menetapkan tatacara bagi prosiding tata tertib dan prosiding rayuan tata tertib.**

(5) Kekhususan perkara yang disebut dalam subseksyen (2), (3) dan (4) adalah tanpa menyentuh keluasan kuasa Lembaga di bawah subseksyen (1).

### **Surcaj**

16D. (1) ~~Seseorang yang merupakan atau pernah menjadi kakitangan, pegawai atau pekerja Universiti boleh disurcaj jika didapati oleh Lembaga bahawa orang itu—~~

- ~~(a) — tidak memungut wang yang terhutang kepada Universiti yang pemungutannya ialah atau pernah menjadi tanggungjawabnya;~~
- ~~(b) — ialah atau pernah bertanggungjawab bagi apa-apa pembayaran wang yang tidak sepatutnya daripada Universiti atau bagi apa-apa pembayaran wang yang tidak diluluskan dengan sewajarnya;~~
- ~~(c) — ialah atau pernah bertanggungjawab, secara langsung atau secara tidak langsung, atas apa-apa kekurangan pada, atau atas pemusnahan, apa-apa wang, setem, sekuriti, barang simpanan atau harta lain Universiti;~~
- ~~(d) — sebagai atau semasa menjadi pegawai perakaunan, tidak menyimpan akaun atau rekod yang sepatutnya; atau~~
- ~~(e) — telah tidak membuat apa-apa pembayaran, atau adalah atau pernah bertanggungjawab atas apa-apa kelewatan membuat pembayaran daripada Universiti, wang kepada mana-mana orang yang kepadanya pembayaran itu hendaklah dibuat di bawah manamana undang-undang, kontrak, perjanjian atau perkiraan yang dibuat antara orang itu dengan Universiti.~~

(2) ~~Lembaga hendaklah, sebelum orang itu disurcaj, menyampaikan suatu notis bertulis kepadanya yang memintanya menunjukkan sebab mengapa dia tidak sepatutnya disurcaj.~~

(3) ~~Jika penjelasan yang memuaskan hati tidak diterima dalam masa tiga puluh hari dari tarikh penyampaian notis di bawah subseksyen (2), Lembaga boleh—~~

- ~~(a) — dalam hal perenggan (1)(a), (b) dan (c), mensurcaikan terhadap orang itu sejumlah wang yang tidak melebihi amaun yang tidak dipungut, atau pembayaran tidak sepatutnya yang dibuat, atau kekurangan nilai, atau pemusnahan yang disebabkan pada wang, setem, sekuriti, barang simpanan atau harta lain; dan~~
- ~~(b) — dalam hal perenggan (1)(d) dan (e), mensurcaikan terhadap orang itu, sejumlah wang yang difikirkan patut oleh Lembaga.~~
- ~~(4) — Lembaga hendaklah memberitahu orang yang disurcraj itu berkenaan dengan apa-apa surcraj yang dibuat di bawah subseksyen (3).~~
- ~~(5) — Walau apa pun subseksyen (3) dan (4), Lembaga boleh pada bila-bila masa menarik balik apa-apa surcraj yang berkenaan dengannya suatu penjelasan yang memuaskan hati telah diterima atau jika selainnya ternyata bahawa tiada surcraj patut dibuat, dan Lembaga hendaklah dengan serta merta memberitahu orang yang disurcraj itu akan penarikbalikan itu.~~
- ~~(6) — Jika amaun apa-apa surcraj yang dibuat di bawah subseksyen (3) tidak ditarik balik di bawah subseksyen (5), ia hendaklah disifatkan sebagai hutang yang hendaklah dibayar kepada Universiti oleh orang yang disurcraj itu dan boleh dibawa guaman dan didapatkan di dalam mana-mana mahkamah atas guaman Universiti dan boleh juga jika diarahkan sedemikian oleh Lembaga didapatkan melalui potongan—~~
- ~~(a) — gaji orang yang disurcraj; atau~~
- ~~(b) — pencen orang yang disurcraj, dengan bayaran ansuran bulanan yang sama banyak yang tidak melebihi satu perempat daripada jumlah gaji bulanan atau pencen, mengikut mana-mana yang berkenaan, orang itu.~~
- ~~(7) — Dalam apa-apa tindakan surcraj terhadap Naib Canselor, keahlian Lembaga bagi maksud subseksyen (1) hingga (6) tidak termasuk Naib Canselor.~~
- ~~(8) — Bagi maksud perenggan (1)(d), “pegawai perakaunan” termasuklah tiap-tiap kakitangan, pegawai atau pekerja Universiti yang dipertanggungkan dengan kewajiban memungut, menerima, atau mengakaunkan, atau yang pada hakikatnya memungut, menerima atau mengakaunkan, apa-apa wang Universiti, atau yang dipertanggungkan dengan kewajiban membayar, atau yang pada hakikatnya membayar, apa-apa wang itu, dan tiap-tiap kakitangan, pegawai atau pekerja yang dipertanggungkan untuk menerima, menjaga atau melupuskan, atau mengakaunkan, apa-apa wang, setem, sekuriti, barang simpanan dan harta Universiti atau yang pada hakikatnya menerima, memegang atau melupuskan wang, setem, sekuriti, barang simpanan dan harta itu.~~

**Perlembagaan hendaklah mengadakan perlindungan faedah di bawah skim kumpulan wang simpanan**

17. Perlembagaan boleh menubuhkan suatu skim kumpulan wang simpanan bagi pekerjanya dan peruntukan yang berikut hendaklah terpakai bagi sesuatu skim simpanan itu—

- (a) tiada apa-apa insurans atas nyawa seseorang pencharum di bawah sesuatu skim simpanan dan juga tiada apa-apa wang atau faedah lain yang diterima di bawah insurans itu atau dengan apa-apa cara lain di bawah sesuatu skim itu boleh diambil untuk menjelaskan apa-apa jua hutang atau tuntutan terhadap pencharum atau hartanya, ataupun digarnis, ditahan, diasingkan atau dilevi bagi maksud demikian itu melainkan jika Universiti, menurut budi bicaranya, telah menyerahhkan insurans, wang atau faedah lain kepada pencharum itu untuk kegunaan dan faedah mutlaknya atau, jika sekiranya pencharum itu mati, kepada wakil dirinya di sisi undang-undang;
- (b) tertakluk kepada apa-apa amanah atau kuasa budi bicara tentang penggunaannya yang diberikan oleh mana-mana Akta atau kaedah yang berhubungan dengan skim simpanan kepada Universiti atau orang lain yang mentadbirkan skim simpanan itu, semua wang dan faedah yang terbit daripada mana-mana skim simpanan itu hendaklah disifatkan sebagai teramanah untuk orang yang berhak kepadanya mengikut wasiat pencharum yang mati atau apabila pencharum itu mati tidak berwasiat;
- (c) tiada apa-apa derma atau caruman kepada sesuatu kumpulan wang yang ditubuhkan di bawah suatu skim simpanan atau apa-apa bunga atas derma atau caruman itu boleh diserahkan atau ditahan, diasingkan atau dilevi bagi atau tentang apa-apa jua hutang atau tuntutan melainkan hutang yang kena dibayar kepada Universiti;
- (d) tiada apa-apa derma atau caruman atau bunga boleh tertakluk kepada hutang pencharum dan juga tiada apa-apa derma, caruman atau bunga itu boleh berpindah kepada Ketua Pengarah Insolvensi apabila pencharum menjadi bankrap, akan tetapi jika pencharum dihukum menjadi seorang bankrap atau diisytiharkan sebagai tidak berkemampuan menurut hukuman Mahkamah, derma atau caruman atau bunga itu hendaklah, tertakluk kepada peruntukan Akta ini dan Perlembagaan dan mana-mana Akta atau kaedah-kaedah yang berhubungan dengan skim simpanan, disifatkan sebagai teramanah untuk orang yang berhak kepadanya apabila pencharum mati;
- (e) kebangkrapan seseorang pencharum tidak menghalang potongan yang dibuat daripada gaji pencharum mengikut mana-mana Akta atau kaedah yang berhubungan dengan skim simpanan tetapi sebaliknya potongan itu hendaklah terus dibuat walau apa pun peruntukan mana-mana undang-undang bertulis, dan bahagian gaji yang dipotong itu tidak boleh disifatkan sebagai sebahagian daripada hartanya yang diperolehi kemudian;
- (f) tertakluk kepada peruntukan mana-mana Akta atau kaedah-kaedah yang berhubungan dengan skim simpanan segala wang yang kena dibayar atau yang dibayar dari mana-mana kumpulan wang yang ditubuhkan di bawah skim simpanan apabila mati seseorang pencharum hendaklah disifatkan sebagai teramanah untuk orang yang berhak kepadanya mengikut wasiat pencharum yang mati itu atau apabila pencharum itu mati tidak berwasiat, atau mengikut penamaan dalam borang yang ditetapkan

di bawah skim itu, akan tetapi tidak boleh disifatkan sebagai sebahagian daripada harta pusaka pencarum itu atau tidak boleh digunakan untuk membayar hutangnya.

### **Peruntukan peralihan**

18. Yang di-Pertuan Agong boleh, mengenai Perlembagaan, mengadakan apa-apa peruntukan peralihan sebagaimana yang difikirkannya perlu atau suai manfaat bagi maksud mencapai tujuan Universiti.

## **BAHAGIAN IV KOLEJ UNIVERSITI**

### **Larangan ke atas penubuhan Kolej Universiti**

19. Tiada sesuatu institusi pelajaran tinggi bertaraf Kolej Universiti boleh ditubuhkan kecuali mengikut peruntukan Akta ini atau ~~mana-mana undang-undang bertulis lain yang mengawal selia penubuhannya~~ **Akta Institusi Pendidikan Tinggi Swasta 1996**.

### **Perbadanan dan penubuhan sesuatu Kolej Universiti**

20. (1) Jika Yang di-Pertuan Agong berpuas hati bahawa suai manfaat demi kepentingan negara supaya suatu Kolej Universiti ditubuhkan dia boleh dengan perintah—

- (a) mengisytiharkan supaya ditubuhkan suatu institusi pelajaran tinggi yang mempunyai taraf Kolej Universiti yang menjadi suatu pertubuhan perbadanan bagi maksud mengadakan, mengikut Akta ini dan Perlembagaan Kolej Universiti itu, pelajaran tinggi dalam cawangan pelajaran yang ditentukan;
- (b) memberikan nama kepada Kolej Universiti itu; dan
- (c) menentukan letaknya tapak tempat Kolej Universiti itu akan didirikan.

(2) Yang di-Pertuan Agong boleh meminda, mengubah atau membatalkan sesuatu perintah yang dibuat di bawah subseksyen (1) melalui suatu perintah yang kemudian yang disiarkan dalam *Warta*.

### **Perlembagaan Kolej Universiti**

21. (1) Yang di-Pertuan Agong boleh melalui peraturan-peraturan menetapkan Perlembagaan sesuatu Kolej Universiti.

(2) Yang di-Pertuan Agong boleh pada bila-bila masa meminda Perlembagaan sesuatu Kolej Universiti itu.

(3) Peruntukan Perlembagaan sesuatu Kolej Universiti hendaklah mula berkuat kuasa dari tarikh yang ditetapkan oleh Yang di-Pertuan Agong dan hendaklah mempunyai kuatkuasa undang-undang dalam Malaysia.

(4) Apa-apa perkara yang dilakukan atau pelantikan yang dibuat untuk dan bagi pihak Kolej Universiti sebelum tarikh Perlembagaan itu mula berkuat kuasa hendaklah, pada dan selepas tarikh itu, disifatkan sebagai telah dibuat untuk, oleh atau bagi pihak Kolej Universiti itu.

### **Pemakaian peruntukan dalam Bahagian III kepada Bahagian ini**

22. Subseksyen 6(2), seksyen 7, 9, 10, 11, 13, 14, 15, 15A, 15B, 15C, 15D, 16, 16A, 16B, 16C, 16D dan 17 yang terpakai bagi sesuatu Universiti yang ditubuhkan di bawah Akta ini hendaklah *mutatis mutandis* terpakai bagi sesuatu Kolej Universiti yang ditubuhkan atau disifatkan sebagai telah ditubuhkan di bawah Akta ini tertakluk kepada ubah suaian yang berikut, iaitu:

- (a) sebutan mengenai “Universiti” hendaklah dibaca sebagai sebutan mengenai “Kolej Universiti”;
- (aa) sebutan mengenai “Lembaga” hendaklah dibaca sebagai sebutan mengenai badan eksekutif Kolej Universiti;
- (b) sebutan mengenai “Canselor”, “Naib Canselor” dan “Timbalan Naib Canselor” hendaklah dibaca sebagai sebutan mengenai pihak berkuasa yang berkenaan bagi Kolej Universiti itu;
- (c) sebutan mengenai “Pro-Canselor” hendaklah dipotong; dan
- (d) apa-apa ubah suaian lain yang perlu atau suai manfaat bagi melaksanakan seksyen ini.

## BAHAGIAN V AM

### **Kesalahan menubuhkan Universiti atau Kolej Universiti**

23. (1) Tiada sesiapa jua boleh menubuhkan, membentuk atau memajukan atau membuat apa-apa perkara atau menjalankan apa-apa kegiatan bagi maksud menubuhkan atau membentuk atau memajukan penubuhan atau pembentukan sesuatu Universiti atau Kolej Universiti melainkan mengikut peruntukan Akta ini atau ~~mana-mana undang-undang bertulis lain yang mengawal selia penubuhannya~~ **Akta Institusi Pendidikan Tinggi Swasta 1996**.

(2) Sesiapa yang melanggar subseksyen (1) melakukan suatu kesalahan dan apabila disabitkan boleh didenda tidak melebihi sepuluh ribu ringgit atau dipenjarakan selama tempoh tidak melebihi lima tahun atau kedua-duanya.

## **Larangan tertentu terhadap “Universiti” atau “Kolej Universiti”**

24. (1) Tiada sesiapa jua boleh menubuhkan, mengurus atau menyelenggara sesuatu institusi pelajaran tinggi bertaraf “Universiti” atau “Kolej Universiti” melainkan jika ia adalah suatu institusi pelajaran tinggi yang ditubuhkan mengikut peruntukan Akta ini atau ~~mana-mana undang-undang bertulis lain yang mengawal selia penubuhannya~~ **Akta Institusi Pendidikan Tinggi Swasta 1996**.

(2) Tiada sesuatu institusi pelajaran tinggi atau sesiapa jua boleh mengeluarkan atau memberikan kepada sesiapa apa-apa ijazah atau diploma yang berupa sebagai ijazah atau diploma yang dikeluarkan atau diberikan oleh sesuatu Universiti atau Kolej Universiti melainkan jika pengeluaran atau pemberian itu mengikut peruntukan Akta ini atau ~~mana-mana undang-undang bertulis lain yang mengawal selia penubuhannya~~ **Akta Institusi Pendidikan Tinggi Swasta 1996**.

(3) Sesiapa yang melanggar subseksyen (1) atau (2) melakukan suatu kesalahan dan apabila disabitkan boleh didenda tidak melebihi lima ribu ringgit atau dipenjarakan selama tempoh tidak melebihi tiga tahun atau kedua-duanya.

## **Penyampaian**

24A. (1) Penyampaian apa-apa notis di bawah Akta ini hendaklah dilaksanakan melalui pos berdaftar kepada orang yang terjejas olehnya dan hendaklah disifatkan telah disampaikan pada hari yang mengikut hari notis itu sepatutnya terserah mengikut perjalanan biasa pos.

(2) Jika seseorang yang kepadanya dialamatkan suatu surat berdaftar yang mengandungi apa-apa notis yang boleh diberikan di bawah Akta ini diberitahu hakikat tentang adanya surat berdaftar yang menantinya di pejabat pos, tetapi orang itu enggan atau abai untuk mengambil surat berdaftar itu, notis itu hendaklah disifatkan telah disampaikan kepadanya pada tarikh dia dimaklumkan sedemikian.

## **Akta Perlindungan Pihak Berkuasa Awam 1948**

24B. Akta Perlindungan Pihak Berkuasa Awam 1948 [*Akta 198*] hendaklah terpakai bagi apa-apa tindakan, guaman, pendakwaan atau prosiding terhadap Universiti, Lembaga, Senat, mana-mana ahli Lembaga atau Senat, Naib Canselor, Timbalan Naib Canselor, ~~kakitangan~~, pegawai atau pekerja Universiti berkenaan dengan apa-apa perbuatan, keabaihan atau keingkaran yang dibuat atau dilakukan olehnya atas sifat yang sedemikian itu.

## **Perbuatan atau peninggalan yang dilakukan dengan suci hati**

24C. Tiada tindakan atau guaman boleh dimulakan atau dikekalkan di dalam mana-mana mahkamah terhadap—

- (a) Lembaga;
- (b) ahli Lembaga;
- (c) **Naib Canselor**;
- (d) Timbalan Naib Canselor;
- (e) Senat;

- (f) ahli Senat;
- (g) ~~kakitangan~~, pegawai atau pekerja Universiti; dan
- (h) seseorang yang diberi kuasa untuk bertindak bagi atau bagi pihak mana-mana badan atau orang di bawah perenggan (a) hingga (g),

bagi apa-apa perbuatan atau peninggalan yang dilakukan dengan suci hati pada menunaikan kuasa dan kewajipannya di bawah Akta ini dengan semunasabahnya mempercayai bahawa tindakan itu adalah perlu bagi maksud yang diniatkan hendak dicapai melaluinya.

### **Pekhidmat awam**

24D. Semua ahli Lembaga dan Senat, **Naib Canselor**, Timbalan Naib Canselor, ~~kakitangan~~, pegawai dan pekerja Universiti semasa menunaikan fungsi mereka sebagai ahli, Naib Canselor, Timbalan Naib Canselor, ~~kakitangan~~, pegawai dan pekerja sedemikian, hendaklah disifatkan sebagai pekhidmat awam mengikut pengertian Kanun Keseksaan [Akta 574].

### **Universiti yang sedia ada**

25. (1) Universiti Malaya yang ditubuhkan di bawah Akta Universiti Malaya 1961 [Akta 44 tahun 1961] hendaklah disifatkan sebagai suatu Universiti yang ditubuhkan di bawah Akta ini. (2) Akta Universiti Malaya 1961, tertakluk kepada peruntukan Akta ini, hendaklah terus berkuat kuasa bagi maksud Universiti itu.

### **Pengecualian**

26. Yang di-Pertuan Agong boleh, ~~mengenai sesuatu Universiti, mengecualikannya daripada, mengubah atau menambah manamana peruntukan Jadual Pertama dan Kedua, melalui perintah yang disiarkan dalam Warta.~~ **atas nasihat Menteri, melalui perintah yang disiarkan dalam Warta—**

- (a) mengecualikan mana-mana Universiti atau Kolej Universiti daripada mana-mana peruntukan Akta ini atau Jadual Pertama dan Kedua; atau
- (b) mengubah mana-mana peruntukan Jadual Pertama dan Kedua dalam pemakaiannya bagi mana-mana Universiti atau Kolej Universiti.

### **Pemansuhan**

27. Ordinan No. 74 (Kuasa-Kuasa Perlu) Darurat, 1971 adalah dengan ini dimansuhkan.

# AKTA UNIVERSITI DAN KOLEJ UNIVERSITI 1971

---

## JADUAL PERTAMA. [Seksyen 8] PERLEMBAGAAN

### Nama

1. Perlembagaan ini bolehlah dinamakan Perlembagaan Universiti .....

### Tafsiran

2. (1) Dalam Perlembagaan ini, melainkan jika konteksnya menghendaki makna yang lain—

"Alumni Universiti" ertinya Alumni Universiti yang ditubuhkan mengikut seksyen 22;

"Pihak Berkuasa" ertinya mana-mana Pihak Berkuasa Universiti yang disebut dalam seksyen 12, dan termasuk mana-mana Pihak Berkuasa yang ditubuhkan menurut Statut;

"Kerusi" ertinya jawatan profesor, bagaimana jua pun digelar;

"Konvokesyen" ertinya Konvokesyen yang diadakan mengikut seksyen 44;

"Hari Penubuhan" ertinya tarikh mula berkuat kuasa Perintah Perbadanan yang dibuat oleh Yang di-Pertuan Agong di bawah seksyen 6 Akta Universiti dan Kolej Universiti 1971;

"Persatuan Siswazah" ertinya Persatuan yang ditubuhkan mengikut seksyen 22;

"Pegawai" ertinya Canselor, Pro-Canselor, **Naib Canselor**, Timbalan Naib Canselor, **ketua Kampus Cawangan**, Dekan Fakulti, Ketua Sekolah, Pusat, Akademi atau Institut, Pendaftar, Bursar, ~~Pegawai Perpustakaan~~ **Ketua Pustakawan**, **Penasihat Undang-undang** atau pemegang apa-apa jawatan yang diwujudkan oleh Statut atau selainnya;

"Peraturan-Peraturan", "Kaedah-Kaedah" dan "Statut" ertinya apa-apa Peraturan, Kaedah dan Statut yang dibuat mengikut Perlembagaan ini;

"Guru" ertinya seseorang yang dilantik menjadi guru oleh Lembaga mengikut Perlembagaan ini, dan termasuklah profesor kanan, profesor, profesor madya, **fellow**, penolong profesor, reader, pensyarah kanan, pensyarah, penolong pensyarah, guru bahasa dan matrikulasi, dan tutor;

"Universiti" ertinya Universiti .....

(2) Sebutan dalam Perlembagaan ini mengenai sesuatu seksyen ialah sebutan mengenai sesuatu seksyen dalam Perlembagaan ini.

## BAHAGIAN I UNIVERSITI

### Menubuhkan Universiti sebagai pertubuhan perbadanan

3. Suatu Universiti yang dinamai dan digelar ..... ditubuhkan mengikut peruntukan Perlembagaan ini, dan mengikut nama dan gelaran itu Canselor, Pro-Canselor, Naib Canselor, Lembaga dan Senat ditubuhkan sebagai suatu pertubuhan perbadanan yang kekal turun-temurun, dan dengan kuasa penuh di bawah nama itu—

- (a) untuk membawa guaman dan dibawa guaman dalam semua mahkamah;
- (b) untuk mempunyai dan menggunakan suatu meterai perbadanan dan dari semasa ke semasa memecahkan, menukar, mengubah dan membaharui meterai itu sebagaimana yang difikirkannya patut;
- (c) bagi maksud Perlembagaan ini, dan tertakluk kepada Statut, Kaedah-Kaedah dan Peraturan-Peraturan untuk membeli apa-apa harta sama ada harta alih atau harta tak alih dan mengambil, menerima dan memegang apa-apa harta tersebut yang akan terletak hak padanya oleh sebab pembelian itu, atau menurut apa-apa pertukaran, pemberian, derma, pajakan, pemberian berwasiat atau selainnya;
- (d) untuk menjual, menggadaijanjikan, memajakkan, menukar atau selainnya melupuskan mana-mana harta itu; dan (e) untuk menjalankan dan melaksanakan mengikut peruntukan Perlembagaan ini dan peruntukan Statut, Kaedah-Kaedah dan Peraturan-Peraturan semua kuasa dan kewajipan yang diberikan atau ditanggungkan ke atas Universiti oleh peruntukan itu.

### Kuasa Universiti

4. (1) Tertakluk kepada peruntukan Perlembagaan ini, Universiti hendaklah mempunyai kuasa yang berikut:

- (a) menyediakan kursus pengajaran, mengadakan peperiksaan, membuat peruntukan untuk penyelidikan, dan mengambil apa-apa langkah lain yang didapati perlu atau mustahak untuk memajukan dan menyebarkan pengetahuan;
- (b) memberikan ijazah, diploma, sijil dan kepujian akademik lain termasuk ijazah, diploma, sijil dan kepujian akademik luar yang lain kepada orang yang telah mengikuti kursus pengajian yang diluluskan oleh Universiti dan telah memenuhi apa-apa kehendak lain sebagaimana yang ditetapkan oleh Kaedah-Kaedah;
- (c) mengiktiraf ijazah dan diploma institusi pengajian tinggi yang lain bagi maksud memasuki kursus pengajian dan peperiksaan Universiti dan juga mengurniakan ijazah yang lebih tinggi kepada pemegang ijazah atau diploma itu atau kepada siswazah Universiti mengikut syarat sebagaimana yang ditetapkan oleh Kaedah-Kaedah;
- (d) memberikan ijazah kepada guru Universiti yang telah memenuhi apa-apa kehendak sebagaimana yang ditetapkan oleh Kaedah-Kaedah;
- (e) memberikan ijazah kehormat kepada orang yang telah memberikan sumbangan terhadap kemajuan atau penyebaran pengetahuan atau yang telah berbuat jasa cemerlang kepada awam;

(f) memberikan sijil kepada orang yang telah mencapai kecekapan dalam mana-mana cawangan pengetahuan;

(g) mengadakan kerusi, jawatan pensyarah, dan jawatan lain dan jabatan, dan membuat pelantikan bagi yang tersebut;

(h) menubuhkan suatu percetakan Universiti dan menerbitkan buku dan bahan lain;

(i) mendirikan, melengkapkan dan menyelenggarakan perpustakaan, makmal, muzium, dewan kuliah, bangunan tempat tinggal dan segala bangunan lain yang dikehendaki bagi maksud Universiti, sama ada di Persekutuan atau di tempat lain;

(j) mengadakan dan mengurniakan fellowship, biasiswa, bantuan, dermasiswa, pingat, hadiah dan gelaran, kepujian, kurniaan lain dan jenis bantuan lain ke arah kemajuan dan penyebaran pengetahuan;

(k) melaburkan apa-apa wang yang terletak hak padanya sebagai derma kekal dalam harta tanah atau cagaran (sama ada dibenarkan sebagai pelaburan pemegang amanah atau tidak), sama ada wang itu terletak hak bagi maksud am atau maksud khas, atau apa-apa wang lain yang tidak dikehendaki segera bagi perbelanjaan semasa, dengan mempunyai kuasa untuk mengubah mana-mana pelaburan itu serta mendepositkan dari semasa ke semasa apa-apa wang yang pada masa itu tidak dilaburkan dalam mana-mana bank yang ditubuhkan di Malaysia sama ada dalam akaun deposit tetap atau akaun semasa;

(ka) memberikan pinjaman atau pendahuluan kepada kakitangan, pegawai dan pekerjanya ;

(kb) memberikan pinjaman atau bantuan kewangan kepada pelajar yang patut menerimanya atas apa-apa terma dan syarat sebagaimana yang diluluskan oleh Menteri;

(kc) menjalankan penyelidikan yang bersifat komersil bagi pemajuan dan penggunaan efektif hasil penyelidikannya;

(l) membuat kontrak, melantik kakitangan pekerja dan menubuhkan amanah sebagaimana yang dikehendaki bagi maksud Universiti;

(m) melantik, menaikkan pangkat dan mengadakan tata tertib bagi pegawai, guru dan kakitangan Universiti; untuk melantik dan menaikkan pangkat pekerja Universiti dan menimbangkan rayuan daripada mana-mana orang yang terkilan dengan penjalanan kuasa melantik dan menaikkan pangkat itu;

(n) membuat peraturan-peraturan mengenai syarat perkhidmatan bagi kakitangan Universiti, termasuk skim perkhidmatan, tangga gaji, cuti dan tata tertib; untuk mengawal selia syarat perkhidmatan pekerja Universiti, termasuk skim perkhidmatan, tangga gaji, peminjaman, pertukaran, cuti dan tata tertib;

(o) menubuhkan skim pencen atau skim persaraan atau skim kumpulan wang simpanan bagi faedah pekerjanya, dan membuat perkiraan dengan pertubuhan atau orang lain bagi menubuhkan skim itu;

(p) membuat peraturan-peraturan dan peruntukan mengenai tempat tinggal bagi pegawai, guru, kakitangan pekerja dan pelajar Universiti dan mengenai kebajikan dan tata tertib guru, kakitangan pekerja dan pelajar;

(q) menuntut dan menerima apa-apa bayaran fi sebagaimana yang ditetapkan oleh Kaedah-Kaedah dari semasa ke semasa; dan

(r) untuk melakukan segala perbuatan dan perkara lain, sama ada bersangkutan atau tidak dengan kuasa yang tersebut di atas itu, sebagaimana yang diperlukan untuk memajukan pengajaran, penyelidikan, kewangan, pentadbiran, kebajikan dan tata tertib di Universiti.

(2) Jika Yang di-Pertuan Agong berpuas hati, dengan tujuan hendak mengekalkan dan memajukan perhubungan luar negeri Persekutuan, adalah perlu supaya suatu ijazah kehormat dikurniakan kepada seseorang pembesar luar negeri, atas arahan Yang di-Pertuan Agong, Universiti hendaklah mengurniakan ijazah itu sebagaimana yang dinyatakan dalam arahan itu.

(3) Bagi mengelakkan keraguan, kuasa di bawah subseksyen (1) boleh dijalankan oleh Lembaga, kecuali kuasa di bawah perenggan (1) (a), (b), (c), (d), (f), (j) dan (kc) yang hendaklah dijalankan oleh Senat.

### **Kuasa tambahan Universiti**

4A. (1) Lembaga boleh, dengan kelulusan Menteri Kewangan—

(a) jika didapati perlu, berfaedah atau sesuai bagi atau berkaitan dengan penunaian fungsi, perjalanan kuasa dan pelaksanaan aktiviti Universiti, menyertai penyertaan ekuiti, perkongsian, usaha sama, pengusahaan atau apa-apa bentuk kerjasama atau perkiraan yang lain bersama-sama dengan, atau selainnya—

(i) sesuatu perusahaan, syarikat, pengusahaan swasta atau sindiket orang yang ditubuhkan bagi menjalankan perniagaan di Malaysia atau di tempat lain;

(ii) Kerajaan Persekutuan atau Negeri;

(iii) sesuatu badan atau pihak berkuasa awam;

(iv) sesuatu suruhanjaya; atau

(v) seseorang;

(b) menubuhkan atau menganjurkan penubuhan syarikat di bawah Akta Syarikat 1965 [Akta 125] untuk menjalankan atau melibatkan diri dalam apa-apa aktiviti yang telah dirancang atau diusahakan oleh Universiti;

(c) menubuhkan perbadanan untuk menjalankan dan bertanggungjawab ke atas, mengendalikan dan menguruskan apa-apa harta, projek, skim atau perusahaan yang pada pendapat Lembaga adalah bermanfaat dan berfaedah kepada Universiti;

(d) meminjam atas apa-apa kadar bunga dan bagi apa-apa tempoh dan atas apa-apa terma sebagaimana yang diluluskan oleh Lembaga, apa-apa jumlah wang yang diperlukan oleh Universiti bagi menjelaskan tanggungannya atau bagi menunaikan mana-mana kewajipannya;

(e) mendapatkan pinjaman di bawah perenggan (d) melalui penerbitan bon, debentur atau saham debentur dalam apa-apa kelas dan nilai atau menggadaikan, menggadaikan, menyandarkan atau selainnya mengadakan lien ke atas harta alih atau tak alihnya, atas apa-apa terma yang difikirkan suai manfaat oleh Lembaga;

(f) memperoleh dan memegang sebagai pelaburan syer, saham, debentur, saham debentur, bon, tanggungan dan sekuriti yang diterbitkan atau dijamin oleh—

(i) mana-mana syarikat atau perusahaan swasta atau mana-mana sindiket orang yang ditubuhkan bagi menjalankan perniagaan di Malaysia atau di tempat lain;

(ii) Kerajaan Persekutuan atau Negeri;

(iii) sesuatu pemerintah berdaulat;

(iv) sesuatu suruhanjaya; dan

(v) sesuatu badan atau pihak berkuasa awam;

(g) memperoleh syer, saham, debentur, saham debentur, bon, tanggungan atau sekuriti yang disebut dalam perenggan (f) melalui langganan asal, tender, pembelian, pindah hakmilik, pertukaran atau selainnya;

(h) menjalankan dan pada amnya menguatkuasakan segala hak dan kuasa yang diberikan melalui atau bersampingan dengan pemunyaan syer, saham, debentur, saham debentur, bon, tanggungan atau sekuriti yang disebut dalam perenggan (f) dan khususnya untuk menjual, memindahkan hakmilik, menukarkan atau selainnya melupuskan syer, saham, debentur, saham debentur, bon, tanggungan atau sekuriti itu; dan

(i) membeli, memajak atau menyewa atau selainnya memperoleh dan melabur dalam apa-apa harta tanah dan harta diri yang difikirkan perlu atau sesuai bagi mana-mana maksud Universiti.

(2) Seksyen 4B hendaklah terpakai bagi perbadanan yang ditubuhkan di bawah perenggan (1)(c).

#### **Peruntukan yang berhubungan dengan perbadanan**

4B. (1) Lembaga hendaklah, pada atau sebelum tarikh tertubuhnya mana-mana perbadanan di bawah perenggan 4A(1)(c), menetapkan melalui peraturan-peraturan—

(a) maksud dan tujuan yang baginya perbadanan itu ditubuhkan;

(b) hak, kuasa, kewajipan dan fungsi perbadanan itu;

(c) sistem pengurusan perbadanan itu; dan

(d) hubungan antara perbadanan itu dengan Universiti dan hak kawalan oleh Lembaga ke atas perbadanan itu.

(2) Apa-apa peraturan yang dibuat di bawah subseksyen (1) hendaklah mengikat perbadanan yang berkenaan dengannya peraturan-peraturan itu dibuat dan hendaklah mempunyai kuat kuasa bagi segala maksud seolah-olah peraturan-peraturan itu dibuat di bawah Perlembagaan ini.

(3) Lembaga boleh pada bila-bila masa meminda, membatalkan, atau menambah, mana-mana peraturan-peraturan yang dibuat berkenaan dengan mana-mana perbadanan di bawah subseksyen (1).

(4) Lembaga boleh, dengan kelulusan Menteri selepas berunding dengan Menteri Kewangan, mengarahkan mana-mana perbadanan yang ditubuhkan olehnya digulung dan dibubarkan.

(5) Apabila mana-mana perbadanan dibubarkan di bawah subseksyen (4), aset perbadanan itu hendaklah dipindahkan hakmiliknya kepada dan diletakhakkan pada Universiti selepas dijelaskan segala tanggungannya.

(6) Penggulungan sesuatu perbadanan di bawah subseksyen (4) hendaklah dijalankan mengikut apa-apa cara yang ditetapkan oleh Lembaga melalui peraturan-peraturan.

(7) Peraturan-peraturan yang dibuat di bawah seksyen ini hendaklah disiarkan dalam *Warta*.

(8) Tiap-tiap Perbadanan yang ditubuhkan di bawah perenggan 4A(1)(c)—

(a) hendaklah menjadi suatu pertubuhan perbadanan dengan apa-apa nama yang diberikan oleh Lembaga kepada perbadanan itu;

(b) hendaklah kekal turun-temurun;

(c) hendaklah mempunyai meterai perbadanan;

(d) boleh membawa guaman dan dibawa guaman atas nama perbadanannya;

(e) boleh membuat kontrak;

(f) boleh memegang, dan membuat apa-apa urusan mengenai atau dengan, apa-apa harta alih atau tak alih; dan

(g) boleh membuat segala perkara dan benda lain yang bersampingan atau berkaitan dengan sesuatu pertubuhan perbadanan yang tidak tak konsisten dengan Perlembagaan ini,

tertakluk kepada apa-apa sekatan atau batasan yang dinyatakan oleh Lembaga dalam setiap hal.

(9) Tiap-tiap perbadanan hendaklah mempunyai suatu meterai perbadanan yang mengandungi apa-apa tanda yang ditentukan oleh perbadanan dengan kelulusan Lembaga.

(10) Meterai perbadanan itu boleh dari semasa ke semasa dipecahkan, ditukar, diubah atau dibuat baharu oleh perbadanan, sebagaimana yang difikirkan patut oleh perbadanan dengan kelulusan Lembaga.

(11) Sehingga suatu meterai diadakan oleh perbadanan di bawah subseksyen (9) suatu cap yang mengandungi nama perbadanan melingkungi huruf "UNIVERSITI..." boleh digunakan sebagai meterai perbadanannya.

(12) Meterai perbadanan, atau cap yang disebut dalam subseksyen (11) hendaklah disimpan dalam jagaan mana-mana orang yang diarahkan oleh perbadanan dan hendaklah disahkan oleh orang itu.

(13) Segala surat ikatan, dokumen dan surat cara lain yang berupa sebagai telah dimeteraikan dengan meterai itu, yang disahkan sebagaimana yang diperuntukkan dalam subseksyen (12) hendaklah disifatkan telah disempurnakan dengan sah sehingga dibuktikan sebaliknya.

(14) Apa-apa dokumen atau surat cara yang jika disempurnakan oleh seseorang yang bukan suatu pertubuhan perbadanan tidak dikehendaki dimeteraikan boleh disempurnakan dengan cara

yang serupa oleh perbadanan; dan dokumen atau surat cara itu boleh disempurnakan bagi pihak perbadanan oleh mana-mana pegawai atau pekerja perbadanan yang diberi kuasa secara am atau khas oleh perbadanan bagi maksud itu.

(15) Meterai tiap-tiap perbadanan hendaklah diberi pengiktirafan rasmi dan kehakiman.

### **Perjalanan pengajian, dsb., bersama-sama, dsb., dengan mana-mana Universiti**

4C. Universiti boleh, dengan kelulusan Menteri, menjalankan apa-apa kursus pengajian atau program latihan secara bersesama atau dengan bersama-sama, gabungan, usaha sama atau selainnya, dengan mana-mana Universiti atau institusi pelajaran tinggi atau institusi pelajaran atau organisasi lain di dalam atau di luar Malaysia.

### **Pembezaan kerana ras dan kepercayaan dilarang**

5. Tertakluk kepada Perkara 153 Perlembagaan Pesekutuan, keanggotaan Universiti, sama ada sebagai pegawai, guru atau pelajar, adalah terbuka kepada semua orang tidak kira jantina, ras, agama, bangsa atau kelas; dan tiada apa-apa ujian mengenai kepercayaan atau penganutan agama boleh dilakukan atau diadakan untuk mengehakkan seseorang menjadi anggota atau untuk mengurniakan kepada seseorang apa-apa ijazah atau diploma Universiti, dan juga tiada apa-apa jua fellowship, biasiswa, bantuan, dermasiswa, pingat, hadiah atau kepujian atau kurniaan lain boleh dihadkan kepada orang daripada sesuatu ras, agama, bangsa atau kelas yang tertentu jika belanja baginya dibayar daripada wang am Universiti.

### **Meterai Universiti**

6. (1) Meterai perbadanan Universiti adalah meterai yang diluluskan oleh Canselor atas syor Lembaga dan dengan cara diluluskan demikian itu juga meterai itu boleh dari semasa ke semasa dipecahkan, ditukar, diubah dan dibuat baharu.

(2) Meterai perbadanan Universiti hendaklah disimpan dalam jagaan [Naib Canselor](#).

(3) Meterai perbadanan Universiti tidak boleh dicapkan pada apa-apa jua surat cara kecuali di hadapan—

(a) [Naib Canselor](#); dan

(b) seorang lagi ahli Lembaga,

yang hendaklah menandatangani surat cara itu sebagai tanda menunjukkan meterai itu dicapkan di hadapan mereka dan tandatangan itu adalah menjadi keterangan yang cukup bahawa meterai itu telah dicapkan dengan sempurna dan sepatutnya dan bahawa meterai itu adalah meterai Universiti yang sah.

(3A) Jika surat cara yang disebut dalam subseksyen (3) ialah skrol suatu ijazah, diploma, sijil atau kepujian akademik lain, meterai perbadanan Universiti hendaklah dicapkan padanya di hadapan [Naib Canselor](#) dan seorang pegawai kanan yang diberi kuasa oleh [Naib Canselor](#).

(4) Meterai Universiti hendaklah diberi pengiktirafan rasmi dan kehakiman.

(5) Apa-apa surat atau surat cara yang (jika disempurnakan oleh seseorang yang bukan suatu pertubuhan perbadanan) tidak dikehendaki dimeteraikan boleh disempurnakan dengan cara yang demikian itu oleh Universiti dengan syarat bahawa surat atau surat cara itu hendaklah disempurnakan bagi pihak Universiti oleh seorang pegawai atau mana-mana orang yang diberi kuasa secara am atau khas oleh Lembaga.

## BAHAGIAN II PEGAWAI UNIVERSITI

### Canselor

7. (1) Seorang Canselor hendaklah menjadi Ketua Universiti dan hendaklah mempengerusikan mana-mana Konvokesyen apabila menghadirinya dan hendaklah mempunyai apa-apa kuasa lain dan melaksanakan apa-apa kewajipan lain yang diberikan atau dikenakan ke atasnya oleh Perlembagaan ini atau mana-mana Statut, Kaedah atau Peraturan.

(2) Canselor hendaklah dilantik oleh Yang di-Pertuan Agong, atas nasihat Menteri, selama sesuatu tempoh tidak lebih daripada tujuh tahun sebagaimana yang ditentukan oleh Yang di-Pertuan Agong.

(3) Canselor boleh, dengan mengutus surat yang ditandatangani kepada Yang di-Pertuan Agong, meletakkan jawatannya, atau dia boleh dipecat oleh Yang di-Pertuan Agong.

(4) Seseorang layak dilantik semula bagi jawatan Canselor.

### Pro-Canselor

8. (1) Canselor boleh melantik, atas nasihat Menteri, orang yang difikirkannya patut sebagai Pro-Canselor.

(2) Jika oleh sesuatu sebab Canselor tidak berupaya menjalankan mana-mana daripada fungsinya di bawah Perlembagaan ini atau mana-mana Statut, Kaedah atau Peraturan, dia boleh membenarkan mana-mana Pro-Canselor menjalankan fungsi itu bagi pihaknya.

(3) Tiap-tiap Pro-Canselor hendaklah memegang jawatan selama tempoh yang diperkenankan oleh Canselor.

### Naib Canselor dan Timbalan Naib Canselor

9. (1) ~~Seorang Naib Canselor hendaklah dilantik oleh Menteri, selepas berunding dengan Lembaga. Maka hendaklah ada seorang Naib Canselor yang hendaklah dilantik oleh Menteri atas nasihat jawatankuasa yang dilantik di bawah seksyen 4A Akta Universiti dan Kolej Universiti 1971 dan selepas berunding dengan Lembaga.~~

(1A) Naib Canselor hendaklah bertindak di bawah kuasa dan arahan am Lembaga dan Senat.

(2) *(Dipotong oleh Akta A295).*

~~(3) Naib Canselor hendaklah menjadi ketua pegawai eksekutif dan akademik bagi Universiti. Naib Canselor hendaklah menjadi ketua pegawai eksekutif dan hendaklah bertanggungjawab bagi keseluruhan fungsi pentadbiran, akademik dan pengurusan dan hal ehwal hari ke hari Universiti.~~

~~(4) Menjadi kewajipan Naib Canselor menentukan supaya peruntukan Perlembagaan ini dan peruntukan Statut, Kaedah-Kaedah dan Peraturan-Peraturan dipatuhi, dan dia mempunyai segala kuasa yang perlu bagi maksud ini dan, khususnya, untuk memastikan bahawa tiap-tiap Pihak Berkuasa atau jawatankuasa sentiasa bertindak menurut kuasa atau tugasnya yang ditetapkan.~~

(5) Tertakluk kepada peruntukan Perlembagaan ini, Naib Canselor hendaklah menjalankan pengawasan am ke atas semua peraturan mengenai pengajaran, penyelidikan, kewangan, pentadbiran, kebajikan dan tatatertib di Universiti, dan boleh menjalankan apa-apa kuasa lain

sebagaimana yang diberikan kepadanya oleh Perlembagaan ini dan mana-mana Statut, Kaedah atau Peraturan.

(6) *(Dipotong oleh Akta A295.*

(7) Tempoh jawatan dan syarat lain perkhidmatan bagi **Naib Canselor hendaklah** ditetapkan oleh Menteri, selepas berunding dengan Lembaga dan Universiti hendaklah terikat dengannya.

(8) Hendaklah ada sekurang-kurangnya seorang Timbalan Naib Canselor atau Timbalan-Timbalan Naib Canselor, mengikut mana-mana berkenaan, hendaklah dilantik oleh Menteri **selepas berunding dengan Naib Canselor**, dan mana-mana orang yang layak dan patut boleh dilantik sedemikian sama ada dari dalam atau luar Universiti; had jawatan dan syarat lain perkhidmatan seseorang Timbalan Naib Canselor hendaklah ditetapkan oleh Menteri **selepas berunding dengan Naib Canselor** dan Universiti hendaklah terikat dengannya.

(9) Jika bagi sesuatu tempoh yang lama **Naib Canselor tidak berupaya** oleh sebab sakit, cuti atau apa-apa sebab lain untuk menjalankan mana-mana daripada fungsi jawatannya, Timbalan Naib Canselor atau, jika ada lebih daripada seorang Timbalan Naib Canselor, mana-mana seorang daripada mereka sebagaimana yang dinamakan oleh Menteri hendaklah menjalankan fungsi itu; dan jika sekiranya Timbalan Naib Canselor atau semua Timbalan Naib Canselor (jika lebih daripada seorang) tidak ada atau hilang upaya, Menteri hendaklah membuat apa-apa perkiraan sementara sebagaimana yang difikirkannya patut bagi penjalanan fungsi itu.

### **Ketua Kampus Cawangan**

**9A.** (1) Jika terdapat suatu Kampus Cawangan, maka hendaklah ada seorang ketua Kampus Cawangan yang hendaklah dilantik oleh Menteri, **selepas berunding dengan Naib Canselor**.

(2) Ketua Kampus Cawangan boleh dikenali dengan apa-apa nama lain sebagaimana yang ditetapkan oleh Menteri.

(3) Tempoh jawatan dan syarat lain perkhidmatan ketua Kampus Cawangan hendaklah ditentukan oleh Menteri, **selepas berunding dengan Naib Canselor**.

(4) Ketua Kampus Cawangan hendaklah menjadi pegawai eksekutif, pegawai pentadbiran dan pegawai akademik utama Kampus Cawangan itu dan hendaklah melaksanakan fungsinya dan menunaikan kewajibannya di bawah arahan dan kawalan Naib Canselor.

### **Pendaftar, Bursar dan Pegawai Perpustakaan Ketua Pustakawan dan Penasihat Undang-Undang**

10. (1) Seorang Pendaftar, Bursar dan Pegawai Perpustakaan **Ketua Pustakawan dan Penasihat Undang-Undang** hendaklah berkhidmat sebagai pegawai sepenuh masa Universiti dan yang mempunyai kuasa dan kewajipan sebagaimana yang ditetapkan oleh Statut.

(1A) Jawatan Pendaftar, Bursar, Ketua Pustakawan dan Penasihat Undang-Undang boleh dikenali dengan apa-apa nama lain sebagaimana yang ditentukan oleh Lembaga.

(2) Pendaftar, Bursar dan Pegawai Perpustakaan **Ketua Pustakawan dan Pegawai Undang-Undang** hendaklah dilantik oleh Lembaga mengikut nasihat Jawatankuasa Pemilihan.

(3) Tertakluk kepada peruntukan Perlembagaan ini, tempoh jawatan dan syarat lain pelantikan bagi Pendaftar, Bursar dan Pegawai Perpustakaan **Ketua Pustakawan dan Pegawai Undang-Undang** hendaklah ditetapkan oleh Lembaga.

## Pegawai lain

11. Universiti boleh melantik pegawai atau pekhidmat lain sebagaimana yang ditetapkan oleh Statut.

## BAHAGIAN III PIHAK BERKUASA UNIVERSITI

### Pihak Berkuasa

12. (1) Pihak Berkuasa Universiti ialah Lembaga, Senat, **Jawatankuasa Pengurusan Universiti atau dengan apa-apa jua nama ia disebut**, Fakulti, Sekolah, Pusat, Akademi, Institut, Jawatankuasa Pengajian, Jawatankuasa Pemilih, **Jawatankuasa Kebajikan Pekerja**, Jawatankuasa Kebajikan Pelajar, dan badan yang lain sebagaimana yang ditetapkan oleh Statut sebagai Pihak Berkuasa Universiti. (2) Tertakluk kepada peruntukan Perlembagaan ini, keanggotaan, kuasa dan tatacara bagi Pihak Berkuasa itu hendaklah ditetapkan oleh Statut.

(3) Peruntukan Jadual Kedua hendaklah terpakai bagi ahli Pihak Berkuasa ~~yang bukan ex-officio~~.

### Lembaga Pengarah

13. (1) Lembaga Pengarah hendaklah terdiri daripada—

- (a) Pengerusi;
- (b) Naib Canselor;
- (c) dua orang pegawai daripada perkhidmatan awam;
- (d) seorang yang mewakili masyarakat di tempat terletakinya Universiti itu;
- (e) seorang profesor Universiti yang dipilih oleh Senat daripada kalangan ahli yang disebut dalam perenggan 17(d); dan
- (f) lima orang yang terdiri daripada tiga orang daripada sektor swasta, seorang daripada alumni Universiti dan seorang lagi dari dalam atau luar Universiti yang, pada pendapat Menteri, mempunyai pengetahuan dan pengalaman yang boleh membantu Lembaga.

(2) Timbalan Naib Canselor, Pendaftar, Bursar dan Penasihat Undang-Undang hendaklah menjadi ahli *ex-officio* Lembaga tetapi tidak berhak untuk mengundi dalam mesyuarat Lembaga.

(3) Tertakluk kepada kelulusan Menteri, setiap ahli yang dilantik di bawah perenggan (1)(c) boleh melantik seorang ahli silih ganti untuk menghadiri mesyuarat Lembaga jika ahli itu tidak dapat hadir atas apa-apa sebab.

(4) Apabila menghadiri mesyuarat Lembaga, seseorang ahli silih ganti hendaklah bagi segala maksud disifatkan sebagai ahli Lembaga.

### Peruntukan yang berhubungan dengan Lembaga

14. (1) Pelantikan ahli Lembaga, **kecuali Naib Canselor**, hendaklah dibuat oleh Menteri bagi tempoh tiga tahun dan apabila habis tempoh itu ahli Lembaga itu layak dilantik semula.

(1A) Tempoh ahli yang dilantik di bawah perenggan 13(1)(e) hendaklah bagi selama tempoh keanggotaannya dalam Senat.

(2) Pendaftar hendaklah menjadi Setiausaha Lembaga.

(3) Pengerusi dan ~~tiga ahli lain~~ empat ahli lain tidak termasuk ahli *ex-officio* Lembaga hendaklah membentuk kuorum bagi apa-apa mesyuarat Lembaga.

(4) Ahli Lembaga hendaklah dibayar apa-apa saraan atau elaun sebagaimana yang ditentukan oleh Menteri.

(5) Tertakluk kepada Perlembagaan ini, Lembaga boleh menentukan tatacaranya sendiri.

### Penjalanan sementara fungsi Pengerusi

15. (1) Menteri boleh melantik mana-mana ahli Lembaga **selain Naib Canselor** untuk menjalankan fungsi Pengerusi semasa apa-apa tempoh yang Pengerusi kerana apa-apa sebab tidak dapat menjalankan fungsinya atau semasa apa-apa tempoh kekosongan dalam jawatan Pengerusi.

(2) Seseorang ahli yang dilantik sebagai Pengerusi di bawah subseksyen (1) hendaklah, dalam tempoh dia menjalankan fungsi Pengerusi, di bawah seksyen ini, disifatkan sebagai Pengerusi.

### Fungsi dan Kuasa Lembaga

~~16. (1) Lembaga adalah menjadi badan kerja bagi Universiti, dan boleh menjalankan segala kuasa yang diberikan kepada Universiti, kecuali setakat yang kuasa itu diberikan oleh Perlembagaan ini atau Statut, Kaedah Kaedah dan Peraturan-Peraturan kepada sesuatu Pihak Berkuasa atau badan lain atau kepada seseorang pegawai Universiti.~~

~~(2) Tiada ketetapan boleh diluluskan oleh Lembaga berhubung dengan apa-apa perkara dalam kuasa Senat, melainkan jika Senat terlebih dahulu diberi peluang mencatatkan dan menghantarkan pendapatnya kepada Lembaga mengenai perkara itu.~~

16 (1) Lembaga hendaklah menjadi badan yang mengelola, membuat dasar dan mengawasi Universiti, dan boleh menjalankan segala kuasa yang diberikan kepada Universiti kecuali setakat yang kuasa itu diberikan oleh Perlembagaan ini atau Statut, Kaedah-Kaedah dan Peraturan-Peraturan kepada Pihak Berkuasa, badan atau kepada pegawai lain Universiti.

(2) Tiada ketetapan boleh diluluskan oleh Lembaga berhubung dengan apa-apa perkara dalam kuasa Senat, tetapi Lembaga boleh menghantar pendapatnya kepada Senat mengenai apa-apa perkara dalam kuasa Senat, bagi pertimbangan Senat.

(3) Sebagai tambahan kepada fungsi dan kuasa di bawah subseksyen (1), Lembaga hendaklah—

- (a) mengadakan perancangan pengawasan yang strategik yang bercirikan pendidikan dan misi Universiti;
- (b) menggalakkan pengurusan yang cekap dan berkesan dan mengadakan kajian semula yang menyeluruh mengenai operasi Universiti;
- (c) membangunkan hubungan dengan masyarakat, sektor korporat dan industri;
- (d) memupuk hubungan global dan keantarabangsaan berhubung dengan pelajaran tinggi dan penyelidikan;

- (e) memastikan pelaksanaan Perlembagaan, undang-undang dan dasar Universiti dan untuk memastikan bahawa tiap-tiap Pihak Berkuasa, Jawatankuasa, Pegawai atau jawatankuasa sentiasa bertindak menurut kuasanya dan bidang tugasnya.

### **Jawatankuasa Lembaga**

**16A.** (1) Lembaga boleh menubuhkan apa-apa jawatankuasa yang didapatinya perlu atau suai manfaat untuk membantunya dalam melaksanakan fungsinya.

(2) Lembaga hendaklah memilih mana-mana ahlinya untuk menjadi pengerusi sesuatu jawatankuasa.

(3) Lembaga boleh melantik mana-mana orang untuk menjadi ahli sesuatu jawatankuasa.

(4) Seseorang ahli sesuatu jawatankuasa hendaklah memegang jawatan bagi apa-apa tempoh yang dinyatakan dalam surat cara pelantikannya dan layak untuk dilantik semula.

(5) Pelantikan mana-mana ahli sesuatu jawatankuasa boleh pada bila-bila masa dibatalkan oleh Lembaga, dengan menyatakan sebab bagi pembatalan itu.

(6) Seseorang ahli sesuatu jawatankuasa boleh, pada bila-bila masa, meletakkan jawatannya dengan memberikan notis secara bertulis yang ditujukan kepada Pengerusi Lembaga.

(7) Lembaga boleh, pada bila-bila masa, memberhentikan atau mengubah keahlian sesuatu jawatankuasa.

(8) Sesuatu jawatankuasa hendaklah tertakluk kepada, dan bertindak mengikut, apa-apa arahan yang diberikan kepadanya oleh Lembaga.

(9) Mesyuarat sesuatu jawatankuasa hendaklah diadakan pada bila-bila masa dan di mana-mana tempat sebagaimana yang ditentukan oleh pengerusi jawatankuasa.

(10) Sesuatu jawatankuasa hendaklah menyebabkan—

(a) minit semua mesyuaratnya disenggarakan dan disimpan dalam bentuk yang sepatutnya; dan

(b) salinan minit semua mesyuaratnya dikemukakan kepada Lembaga secepat yang dapat dilaksanakan.

(11) Sesuatu jawatankuasa boleh mengundang mana-mana orang untuk menghadiri mana-mana mesyuaratnya bagi maksud menasihatinya tentang apaapa perkara yang sedang dibincangkan tetapi orang itu tidak berhak untuk mengundi pada mesyuarat itu.

(12) Ahli sesuatu jawatankuasa atau mana-mana orang yang diundang di bawah subseksyen (11) boleh dibayar apa-apa elaun dan belanja lain yang ditentukan oleh Lembaga.

(13) Sesuatu jawatankuasa yang ditubuhkan di bawah seksyen ini boleh mengawal selia tataranya sendiri.

## Senat

17. (1) Senat hendaklah terdiri daripada—

- (a) Naib Canselor yang hendaklah menjadi Pengerusi;
- (b) semua Timbalan Naib Canselor;
- (c) semua Dekan Fakulti dan semua Ketua ketua Kampus, Sekolah, Pusat, Akademi dan Institut Universiti;
- (d) ~~tidak lebih daripada dua puluh orang profesor yang hendaklah ditentukan oleh Naib Canselor.~~ tidak lebih daripada dua puluh orang profesor yang dipilih bagi tempoh tiga tahun oleh semua profesor sepenuh masa dan profesor madya Universiti; dan
- (e) tidak lebih daripada lima orang daripada Universiti yang hendaklah diko-opt oleh Naib Canselor selama tiga tahun.

(1A) ~~Naib Canselor boleh dari semasa ke semasa mengko-opt mana-mana orang lain untuk menjadi ahli Senat atau untuk menghadiri mesyuarat Senat.~~ Senat boleh dari semasa ke semasa mengundang mana-mana orang, termasuk mana-mana pelajar, untuk menghadiri mesyuarat Senat.

(1B) Dalam masa ketidakhadiran Naib Canselor, seorang Timbalan Naib Canselor hendaklah mempengerusikan mesyuarat Senat.

(1C) Pendaftar, Bursar, Ketua Pustakawan dan Penasihat Undang-Undang hendaklah menjadi ahli *ex-officio* tetapi tidak berhak untuk mengundi dalam mesyuarat Senat.

(2) Senat adalah menjadi badan akademik bagi Universiti dan, tertakluk kepada peruntukan Perlembagaan ini, Statut, Kaedah-Kaedah dan Peraturan-Peraturan, berhak mengawal dan memberikan arahan secara am mengenai pengajaran, penyelidikan dan peperiksaan, dan pengurniaan ijazah, diploma, sijil dan kepujian akademik yang lain.

(2A) Sebagai tambahan kepada fungsi dan kuasa di bawah subseksyen 6(3) dan subseksyen (4), Senat hendaklah melaksanakan fungsi yang berikut dan menjalankan kuasa yang berikut:

- (a) untuk menubuhkan Fakulti, Sekolah, Pusat, Akademi dan Institut, dan jabatan, unit atau badan di bawah Fakulti, Sekolah, Pusat, Akademi dan Institut itu;
- (b) dengan keizinan Lembaga, untuk memberikan ijazah kehormat kepada orang yang telah menyumbang terhadap kemajuan atau penyebaran pengetahuan, atau yang telah memberikan perkhidmatan awam yang cemerlang;
- (c) untuk membentuk dasar dan kaedah pengajaran, pelajaran, peperiksaan, penyelidikan, biasiswa dan latihan yang dijalankan di dalam, oleh atau dari Universiti;
- (d) untuk memastikan standard pendidikan dalam kursus pengajian yang diadakan di dalam, oleh atau dari Universiti;
- (e) untuk menentukan kebolehlaksanaan atau selainnya apa-apa cadangan berkenaan dengan apa-apa kurikulum atau kursus pengajian yang dijalankan atau hendak dijalankan di dalam, oleh atau dari Universiti;

- (f) untuk menentukan kelayakan yang dikehendaki bagi diterima masuk ke dalam mana-mana kursus pengajian yang diadakan di dalam, oleh atau dari Universiti;
- (g) untuk mengawal selia perjalanan penilaian dan peperiksaan, mengesahkan keputusan peperiksaan dan menentukan rayuan;
- (h) untuk menggubal dasar bagi melindungi kebebasan akademik dan kecemerlangan profesional; dan
- (i) untuk melakukan segala perkara yang suai manfaat atau perlu bagi atau bersampingan dengan pelaksanaan fungsinya di bawah Perlembagaan ini.

(3) Dalam melaksanakan kewajipan, fungsi dan tanggungjawabnya, Senat boleh mewakilkan mana-mana daripada kewajipan, fungsi dan tanggungjawabnya kepada ahlinya atau sesuatu jawatankuasa yang terdiri daripada ahlinya.

(4) Senat hendaklah mempertimbangkan apa-apa perkara yang dihantar kepadanya oleh Lembaga di bawah subseksyen 16 (3).

(5) Apa-apa pertikaian antara Senat dengan Lembaga mengenai ruang lingkup dan takat fungsi atau kuasa mereka boleh dirujukkan oleh salah satu pihak kepada Menteri mengikut seksyen 24A.

#### **Jawatankuasa Pengurusan Universiti**

17A. (1) Maka hendaklah ditubuhkan suatu Jawatankuasa Pengurusan Universiti yang hendaklah terdiri daripada:

- (a) Naib Canselor, yang hendaklah menjadi pengerusi;
- (b) semua Timbalan Naib Canselor;
- (c) Pendaftar;
- (d) Bursar;
- (e) Penasihat Undang-Undang; dan
- (f) mana-mana pegawai lain Universiti yang dilantik oleh Naib Canselor.

(2) Jawatankuasa Pengurusan Universiti hendaklah menasihati Naib Canselor berhubung dengan fungsi pentadbiran dan pengurusannya.

#### **Fakulti, Sekolah, Pusat, Akademi, Institut**

18. (1) Universiti hendaklah dibahagikan kepada beberapa Fakulti, Sekolah, Pusat Akademi dan Institut mengikut namanya masing-masing sebagaimana yang ditetapkan oleh Statut.

(1A) Universiti boleh, selepas berunding dengan Jawatankuasa Pengajian, menubuhkan jabatan atau unit atau badan lain berkenaan dengan sesuatu Fakulti, Sekolah, Pusat, Akademi dan Institut.

(2) Sesuatu Fakulti, Sekolah, Pusat, Akademi dan Institut hendaklah bertanggungjawab kepada Senat atas penyusunan pengajaran dalam mata pelajaran mengenai pengajian dalam bidang

kuasa Fakulti, Sekolah, Pusat, Akademi dan Institut itu, mengikut mana-mana yang berkenaan, dan boleh menjalankan apa-apa tugas lain sebagaimana yang diberikan kepadanya oleh Statut, Kaedah atau Peraturan.

(3) **Naib Canselor hendaklah selepas berunding dengan kakitangan akademik setiap Fakulti**, melantik seorang Dekan bagi tiap-tiap satu Fakulti dan sekurang-kurangnya seorang Timbalan Dekan. **Lembaga hendaklah dimaklumkan tentang pelantikan itu secepat yang mungkin.** Dekan itu hendaklah menjadi pengerusi Fakulti itu dan hendaklah menjalankan apa-apa fungsi lain sebagaimana yang diberikan kepadanya oleh Statut, Kaedah-Kaedah atau Peraturan; dan jika Dekan tidak berupaya menjalankan kewajipan jawatannya oleh sebab bercuti atau apa-apa sebab lain, adalah sah bagi Timbalan Dekan atau mana-mana pegawai kanan lain **yang dilantik oleh Naib Canselor** untuk menjalankan kewajipan Dekan itu selama tempoh Dekan itu tidak berupaya menjalankan kewajipan jawatannya.

(4) ~~Naib Canselor mempunyai kuasa melantik seseorang sebagai ketua sesuatu Sekolah, Pusat, Akademi dan Institut~~ **Naib Canselor hendaklah, selepas berunding dengan kakitangan akademik setiap Sekolah, Pusat, Akademi dan Institut, mempunyai kuasa untuk melantik seseorang sebagai ketua sesuatu Sekolah, Pusat, Akademi dan Institut,** dan ketua itu hendaklah diberi gelaran sebagaimana yang ditetapkan oleh Statut, Kaedah-Kaedah atau Peraturan; dan jika ketua sesuatu Sekolah, Pusat, Akademi dan Institut tidak berupaya menjalankan kewajipannya oleh sebab bercuti atau apa-apa sebab lain, **Naib Canselor boleh,** kecuali sebagaimana yang diperuntukkan selainnya oleh Statut, **melantik** mana-mana orang untuk menjalankan kewajipan itu selama tempoh ketua itu tidak berupaya menjalankan kewajipannya.

(5) Seseorang Dekan, seseorang Timbalan Dekan atau ketua sesuatu Sekolah, Pusat, Akademi dan Institut yang dilantik di bawah subseksyen (3) atau (4) mengikut mana-mana yang berkenaan, hendaklah dilantik selama tempoh tidak lebih daripada empat tahun, tetapi adalah layak dilantik semula.

(6) Walau apa pun subseksyen (5), **Naib Canselor boleh,** jika difikirkannya patut, membatalkan apa-apa pelantikan yang dibuat di bawah subseksyen (3) atau (4) pada bila-bila masa dalam tempoh pelantikan itu.

### **Jawatankuasa Pengajian**

19. Suatu Jawatankuasa Pengajian boleh dilantik oleh Senat bagi salah satu maksud yang berikut :

(a) untuk menguruskan perkara mengenai mana-mana Fakulti, Sekolah, Pusat, Akademi dan Institut; dan

(b) untuk menimbangkan cadangan yang dirujuk kepada oleh Senat bagi penubuhan Fakulti, Sekolah, Pusat, Akademi dan Institut yang baru, dan dalam mana-mana satu hal, Jawatankuasa Pengajian hendaklah membuat laporan mengenainya kepada Fakulti, Sekolah, Pusat, Akademi, Institut, atau kepada Senat, mengikut kehendak keadaan.

### **Jawatankuasa Pemilih**

20. (1) Jawatankuasa Pemilih bagi maksud pelantikan ke sesuatu Kerusi **dan pelantikan atau kenaikan pangkat ke jawatan profesor kanan, profesor dan pegawai disebut dalam seksyen 10** hendaklah terdiri daripada—

(a) **Naib Canselor yang hendaklah menjadi pengerusi;**

(b) dua ahli Lembaga yang dilantik oleh Lembaga;

(c) Dekan Fakulti atau Ketua Sekolah, Pusat, Akademi atau Institut yang baginya Kerusi itu diuntukkan; dan

(d) dua ahli Senat yang dilantik oleh Senat.

(2) Kecuali sebagaimana yang diperuntukkan dalam subseksyen (3) Jawatankuasa Pemilih hendaklah dipanggil bermesyuarat oleh **Naib Canselor** dan mesyuarat itu hendaklah dipengerusikan oleh Naib Canselor.

(3) Apabila dibuat keputusan untuk mengisi sesuatu jawatan kecuali jawatan bagi sesuatu Kerusi dan pelantikan atau kenaikan pangkat ke jawatan profesor kanan, profesor dan pegawai disebut dalam seksyen 10, Lembaga boleh, atas syor **Naib Canselor**, melantik Jawatankuasa Pemilih yang berlainan bagi pelantikan yang berlainan dan Jawatankuasa Pemilih yang dipanggil bermesyuarat bagi maksud itu hendaklah dipengerusikan oleh Timbalan Naib Canselor yang bertanggungjawab bagi bagi hal ehwal akademik, atau, jika dia tidak ada, oleh seorang ahli yang dipilih oleh ahli yang hadir dalam mesyuarat itu.

(4) Jika Timbalan Naib Canselor tidak menjadi ahli Jawatankuasa Pemilih, bagi maksud mesyuarat yang dipengeruskannya di bawah subseksyen (3) dan bagi maksud keputusan yang dibuat dalam mesyuarat itu, dia hendaklah disifatkan sebagai seorang ahli Jawatankuasa Pemilih.

(5) Penyertaan pakar luar dalam membuat pelantikan boleh ditetapkan oleh Statut.

### **Jawatankuasa Kebajikan Pekerja**

**20A.** (1) Maka hendaklah ditubuhkan suatu Jawatankuasa Kebajikan Pekerja yang hendaklah terdiri daripada—

- (a) seorang ahli Lembaga yang hendaklah menjadi pengerusi;
- (b) **Naib Canselor**;
- (c) Pendaftar;
- (d) Bursar; dan
- (e) seorang ahli daripada setiap kesatuan pekerja atau persatuan pekerja berdaftar Universiti.

(2) Jawatankuasa Kebajikan Pekerja hendaklah mempunyai apa-apa kuasa yang berhubungan dengan kebajikan pekerja sebagaimana yang ditetapkan oleh Statut;

### **Jawatankuasa Kebajikan Pelajar**

21. (1) ~~Maka hendaklah ditubuhkan suatu Jawatankuasa Kebajikan Pelajar yang terdiri daripada Naib Canselor dan mana-mana orang lain sebagaimana yang dilantik oleh Lembaga~~ Maka hendaklah ditubuhkan suatu Jawatankuasa Kebajikan Pelajar yang hendaklah terdiri daripada—

- (a) **Naib Canselor**, yang hendaklah menjadi pengerusi;

- (b) dua orang ahli yang dipilih oleh Majlis Perwakilan Pelajar; dan
  - (c) mana-mana ahli lain yang dilantik oleh Lembaga.
- (2) Jawatankuasa Kebajikan Pelajar hendaklah mempunyai kuasa yang ditetapkan oleh Statut.

### **Persatuan Siswazah atau Alumni Universiti**

22. (1) Tertakluk kepada kelulusan Lembaga, adalah sah bagi seramai tidak kurang daripada tiga puluh orang siswazah Universiti menubuhkan suatu persatuan yang dinamai Persatuan Siswazah atau Alumni Universiti.

(2) Persatuan Siswazah atau Alumni Siswazah hendaklah dikelolakan dan ditadbirkan mengikut perlembagaannya dan kaedah-kaedah yang dibuat olehnya tetapi tiada sesuatu perlembagaan tersebut atau kaedah-kaedah yang dibuat itu atau apa-apa pindaannya boleh berkuat kuasa melainkan dan sehingga ia telah diluluskan terlebih dahulu oleh Lembaga.

(3) Tiada apa-apa jua dalam seksyen ini boleh ditafsirkan sebagai menjadikan Persatuan Siswazah atau Alumni Universiti itu suatu Pihak Berkuasa bagi Universiti atau sebagai memberikan apa-apa kuasa kepadanya untuk memilih, sebagai wakilnya kepada Lembaga, orang yang pada masa itu bekerja dengan Universiti sebagai kakitangan akademik dan bukan akademik.

### **Tempoh jawatan bagi ahli Pihak Berkuasa**

23. (1) Kecuali sebagaimana yang ditetapkan oleh Perlembagaan ini atau oleh mana-mana Statut, tempoh jawatan bagi seseorang yang dipilih atau dilantik sebagai ahli sesuatu Pihak Berkuasa, kecuali ahli *ex-officio*, ialah tiga tahun: Dengan syarat bahawa—

(a) jika orang itu dipilih atau dilantik kerana dia memegang sesuatu jawatan atau kerana dia seorang ahli bagi sesuatu Pihak Berkuasa atau badan yang lain, dia hendaklah berhenti menjadi ahli Pihak Berkuasa itu jika sebelum habis tempoh jawatannya itu dia berhenti memegang jawatan itu atau menjadi ahli Pihak Berkuasa atau badan itu; dan

(b) seseorang yang berhenti apabila habis tempoh jawatannya boleh dipilih atau dilantik semula jika layak.

(2) Jika seseorang menjadi ahli *ex-officio* sesuatu Pihak Berkuasa, seseorang yang dilantik untuk memangku jawatannya itu hendaklah juga menjadi ahli *ex-officio* Pihak Berkuasa itu selagi dia memangku jawatan itu dan layak.

(3) Keputusan sesuatu Pihak Berkuasa adalah sah walaupun ada kekosongan antara ahlinya.

### **Mesyuarat**

23A. (1) Pihak Berkuasa hendaklah mengadakan mesyuarat sebagaimana yang dan apabila dikehendaki berbuat demikian oleh pengerusi Pihak Berkuasa itu.

(2) Pengerusi hendaklah mempengerusikan mesyuarat Pihak Berkuasa dan semasa ketiadaannya ahli Pihak Berkuasa itu hendaklah melantik salah seorang daripada mereka untuk mempengerusikan mesyuarat itu.

(3) Kuorum bagi mesyuarat Pihak Berkuasa, selain Lembaga, hendaklah ditentukan oleh Statut.

## Lebih suara

24. (1) Tertakluk kepada peruntukan Perlembagaan ini dan kepada mana-mana Statut, Kaedah-Kaedah atau Peraturan-Peraturan, sesuatu soal dalam sesuatu mesyuarat mana-mana Pihak Berkuasa hendaklah diputuskan mengikut kelebihan undi ahli yang hadir.

(2) Pengerusi Pihak Berkuasa dan tiap-tiap ahli hendaklah mempunyai dan boleh menggunakan satu undi setiap seorang, tetapi dalam keadaan bilangan undi sama banyak, pengerusi atau ahli yang mempengerusikan mesyuarat itu hendaklah mempunyai dan boleh menggunakan undi pemutus.

## Pertikaian

24A. (1) Apa-apa pertikaian antara Pihak Berkuasa, atau antara seseorang Pegawai dengan suatu Pihak Berkuasa mengenai ruang lingkup dan takat kuasa, fungsi atau bidang kuasanya boleh dirujukkan oleh salah satu pihak kepada Menteri dan Menteri boleh memutuskan pertikaian itu sendiri atau melantik suatu Panel Penyelesaian Pertikaian untuk memutuskan pertikaian itu.

(2) Panel Penyelesaian Pertikaian hendaklah ditubuhkan daripada kalangan orang ternama dari dalam atau luar Universiti yang bukan pegawai, pekerja atau ahli Pihak Berkuasa yang berkenaan.

(3) Panel Penyelesaian Pertikaian hendaklah terdiri daripada seorang pengerusi dan dua orang ahli lain.

(4) Panel Penyelesaian Pertikaian hendaklah menentukan tatacaranya sendiri.

(5) Keputusan Panel Penyelesaian Pertikaian adalah muktamad dan konklusif dan hendaklah mengikat pihak-pihak kepada pertikaian itu.

## BAHAGIAN IV STATUT, KAEDAH-KAEDAH DAN PERATURAN-PERATURAN

### Statut

25. Tertakluk kepada peruntukan Perlembagaan ini, Statut boleh dibuat untuk menguruskan mana-mana atau segala perkara yang berikut:

(a) kuasa dan kewajipan pegawai Universiti;

(b) keanggotaan, kuasa, kewajipan dan tatacara Pihak Berkuasa Universiti;

(c) cara pelantikan dan syarat perkhidmatan bagi pegawai dan guru Universiti, kecuali yang berhubungan dengan tatatertib mereka;

(d) menetapkan ijazah, diploma, sijil dan kepujian akademik lain yang akan diberikan oleh Universiti;

(e) syarat bagi kemasukan dan tempat tinggal dan kebajikan pelajar;

(f) pengurusan perpustakaan;

(fa) pengurusan Kampus Cawangan yang terletak di luar Malaysia;

(g) segala perkara lain yang boleh dikawal selia dengan Statut di bawah Perlembagaan ini; dan

(h) perkara yang bersampingan dengan atau berbangkit daripada perkara yang tersebut di atas.

### **Tatacara bagi membuat, meminda atau membatalkan Statut**

26. (1) Tertakluk kepada peruntukan seksyen ini, Canselor boleh membuat, membatalkan atau meminda mana-mana Statut.

(2) Cadangan untuk membuat sesuatu Statut baharu, atau membatalkan atau meminda sesuatu Statut, hendaklah disediakan oleh Lembaga.

~~(3) Sesuatu cadangan untuk sesuatu Statut baharu, atau untuk apa-apa pindaan kepada sesuatu Statut, mengenai mana-mana perkara yang berikut, iaitu:~~

~~(a) kuasa dan kewajipan Dekan sesuatu Fakulti atau Ketua sesuatu Sekolah, Pusat, Akademi dan Institut;~~

~~(b) keanggotaan, kuasa, kewajipan dan tatacara Senat, Fakulti, Sekolah, Pusat, Akademi, Institut, Jawatankuasa Pengajian, Jawatankuasa Pemilihan, atau Jawatankuasa Kebajikan Pelajar;~~

~~(c) menetapkan ijazah, diploma, dan kepujian akademik lain yang akan diberikan oleh Universiti;~~

~~(d) cara pelantikan dan syarat perkhidmatan bagi guru;~~

~~(e) syarat mengenai tempat tinggal dan kebajikan pelajar;~~

~~(f) pengurusan perpustakaan; dan~~

~~(g) segala perkara lain dalam bidang kuasa Senat di bawah Perlembagaan ini atau mana-mana Statut, tidak boleh dikemukakan kepada Canselor sehingga cadangan itu telah dirujuk kepada Senat dan Senat telah melaporkan pendapatnya mengenai perkara itu kepada Lembaga.~~

~~(4) (Dipotong oleh Akta A946).~~

(3) Sesuatu cadangan bagi sesuatu Statut baru, atau bagi apa-apa pindaan kepada sesuatu Statut, mengenai mana-mana perkara yang berikut, iaitu:

(a) kuasa dan kewajipan Dekan sesuatu Fakulti atau ketua Sekolah, Pusat, Akademi dan Institut;

(b) keanggotaan, kuasa, kewajipan dan tatacara Senat, Fakulti, Sekolah, Pusat, Akademi, Institut atau Jawatankuasa Pengajian;

(c) penetapan ijazah, diploma, dan kepujian akademik lain yang hendak diberikan oleh Universiti;

(d) pengurusan perpustakaan; dan

- (e) segala perkara lain dalam bidang kuasa Senat di bawah Perlembagaan ini atau mana-mana Statut,

tidak boleh dikemukakan kepada Canselor tanpa keizinan bertulis Senat.

### **Kaedah-Kaedah**

27. Tertakluk kepada peruntukan Perlembagaan ini dan Statut, Kaedah- Kaedah boleh dibuat bagi segala atau mana-mana perkara yang berikut:

- (a) prinsip berkenaan dengan pengurniaan ijazah, diploma, sijil dan kepujian adademik lain;
- (b) bilangan dan ruang lingkup peperiksaan;
- (c) pelantikan, kuasa, kewajipan, saraan dan syarat perkhidmatan bagi pemeriksa dan cara menjalankan peperiksaan;
- (d) penerimaan masuk pelajar dalam peperiksaan, kursus ijazah dan diploma Universiti dan ke tempat tinggal di Universiti;
- (e) cara pelantikan dan syarat perkhidmatan bagi orang yang bekerja dengan Universiti, kecuali yang berhubungan dengan tatatertib mereka;
- (f) menubuhkan dan membuat peraturan mengenai skim pencen, skim persaraan dan skim kumpulan wang simpanan bagi faedah pekerja Universiti atau mana-mana golongan daripada mereka;
- (g) syarat mengenai tempat tinggal dan kebajikan pelajar.
- (h) bayaran yang akan dikenakan bagi kursus pengajian, bagi tempat tinggal, bagi memasuki peperiksaan, bagi ijazah, diploma, sijil dan kepujian akademik lain dan apa-apa bayaran lain yang boleh dikenakan oleh Universiti;
- (i) pengurusan dewan kuliah, perpustakaan, sumber maklumat, makmal, pusat penyelidikan, bangunan tempat tinggal, dan ~~segala cawangan kegiatan Universiti~~ **segala kegiatan cawangan Universiti sama ada di dalam atau di luar Malaysia**, yang tidak diperuntukkan dengan khusus dalam Perlembagaan ini atau melalui Statut;
- (j) keanggotaan, kuasa dan kewajipan mana-mana jawatankuasa atau badan lain yang tidak diperuntukkan dengan khusus dalam Perlembagaan ini atau oleh Statut;
- (k) segala perkara yang boleh, menurut Perlembagaan ini atau mana-mana Statut, ditetapkan melalui Kaedah-Kaedah;
- (l) segala perkara dalam kuasa Universiti dan yang tidak diperuntukkan selainnya oleh Bahagian ini dalam Perlembagaan ini.

### **Tatacara bagi membuat, meminda atau membatalkan Kaedah-Kaedah**

28. (1) Tertakluk kepada peruntukan seksyen ini, Lembaga boleh membuat, meminda atau membatalkan mana-mana Kaedah.

(2) Draf mengenai sesuatu Kaedah berkenaan dengan—

- (a) apa-apa perkara yang disebut dalam perenggan 27(a), (b), (c), (d), ~~(g)~~ dan (i); atau

(b) apa-apa perkara dalam bidang kuasa Senat, hendaklah dicadangkan oleh Senat; dan Lembaga boleh meluluskan draf itu atau merujukkannya kembali kepada Senat dengan apa-apa pendapat atau cadangan untuk pindaan, dan tiada Kaedah sedemikian boleh dibuat sehingga Senat telah bersetuju dengannya.

### **Peraturan-peraturan**

29. (1) Lembaga dan Senat boleh masing-masing membuat peraturan-peraturan mengenai tatacaranya sendiri.

(2) Lembaga boleh selepas berunding dengan Senat membuat peraturan-peraturan mengenai tatacara Jawatankuasa Pemilih.

(3) Senat boleh membuat peraturan-peraturan mengenai tatacara sesuatu Fakulti, Sekolah, Pusat, Akademi, Institut atau Jawatankuasa Pengajian, atau mana-mana jawatankuasa atau badan lain yang tertakluk kepada bidang kuasa Senat.

(4) Senat boleh membuat peraturan-peraturan bagi menetapkan kursus pengajian atau sukatan pelajaran bagi peperiksaan.

(5) Peraturan-peraturan boleh dibuat oleh mana-mana Pihak Berkuasa jika Pihak Berkuasa itu diberi kuasa oleh Perlembagaan ini, Statut atau Kaedah-Kaedah.

### **Menyiarkan Statut, Kaedah-Kaedah dan Peraturan-Peraturan**

30. (1) Apabila sesuatu Statut atau Kaedah baru dibuat, dipinda atau dibatalkan tiap-tiap Statut, Kaedah, pindaan atau pembatalan itu hendaklah disiarkan dalam *Warta* dan dengan apa-apa cara lain mengikut sebagaimana yang diarahkan oleh Lembaga.

(2) Statut, Kaedah-Kaedah dan Peraturan-Peraturan Universiti sebagaimana yang dipinda dari semasa ke semasa hendaklah disiarkan dalam bentuk buku mengikut lat tempoh sebagaimana yang diarahkan oleh Lembaga, dan naskhahnya hendaklah diadakan untuk dibeli oleh orang awam dengan harga yang berpatutan.

(3) Tiada apa-apa jua dalam seksyen ini terpakai bagi—

(a) sesuatu Kaedah atau Peraturan yang mengandungi hanya arahan kepada pemeriksa atau penyelia peperiksaan; atau

(b) sesuatu Kaedah atau Peraturan yang, menurut ketetapan Lembaga, tidak akan disiarkan.

### **Perlembagaan, pertelingkahan antara Statut, dsb.**

31. Jika sekiranya—

(a) sesuatu Statut berlawanan dengan peruntukan Perlembagaan ini; atau

(b) sesuatu Kaedah berlawanan dengan peruntukan Perlembagaan ini atau sesuatu Statut; atau

(c) sesuatu Peraturan berlawanan dengan peruntukan Perlembagaan ini atau sesuatu Statut atau Kaedah, peruntukan Perlembagaan, Statut atau Kaedah-Kaedah, mengikut mana- mana yang berkenaan, hendaklah terpakai, dan Statut, Kaedah-Kaedah atau

Peraturan itu, mengikut mana-mana yang berkenaan, adalah terbatal setakat yang berlawanan itu.

## **BAHAGIAN V PERUNTUKAN KEWANGAN**

### **Jawatankuasa Tetap Kewangan**

32. Lembaga hendaklah melantik suatu Jawatankuasa Tetap Kewangan bagi mengatur dan mengawal kewangan Universiti.

### **Menyediakan anggaran**

33. Adalah menjadi kewajipan mana-mana pegawai atau pegawai Universiti sebagaimana yang ditetapkan oleh Statut untuk [menyediakan, bagi pertimbangan Naib Canselor](#), anggaran pendapatan dan perbelanjaan Universiti bagi tiap-tiap satu tahun kewangan.

### **Tahun kewangan**

34. (1) Bagi maksud Bahagian ini tahun kewangan ialah satu tahun kalendar, atau apa-apa tempoh lain sebagaimana yang ditetapkan oleh Lembaga.

(2) Akaun Lembaga hendaklah dengan seberapa segera yang boleh, diimbangkan bagi tahun kewangan yang lalu dan suatu penyata tahunan atau ringkasannya hendaklah disediakan.

(3) Penyata tahunan atau ringkasan yang disebut dalam subseksyen (2) hendaklah disediakan mengikut bentuk dan mengandungi maklumat sebagaimana yang diarahkan oleh Lembaga dari semasa ke semasa.

### **Anggaran tahunan**

35. (1) Lembaga hendaklah, tidak kurang daripada empat bulan sebelum berakhir tahun kewangan, meluluskan anggaran hasil dan perbelanjaan yang lengkap bagi Universiti bagi tahun kewangan yang berikutnya dan mengemukakan anggaran itu, bersama dengan ulasan Lembaga mengenainya, kepada Menteri.

(2) Sebelum tarikh yang ditetapkan bagi mesyuarat Lembaga bagi maksud meluluskan anggaran itu, Jawatankuasa Tetap Kewangan hendaklah menyediakan draf anggaran untuk dikemukakan kepada Lembaga, dan satu salinan anggaran itu hendaklah diserahkan kepada setiap seorang ahli Lembaga tidak kurang daripada tujuh hari sebelum tarikh yang ditetapkan bagi mesyuarat itu.

(3) Tertakluk kepada peruntukan subseksyen (1), Lembaga boleh, menurut budi bicaranya, meluluskan, mengubahsuaikan atau menolak kesemua atau mana-mana butiran yang terdapat dalam draf anggaran itu atau merujuk kembali mana-mana butiran itu kepada Jawatankuasa Tetap Kewangan untuk pertimbangannya atau menambah apa-apa butiran dalam draf anggaran itu.

### **Anggaran tambahan**

36. Jika peruntukan kewangan tambahan dikehendaki dalam sesuatu tahun, Lembaga boleh dari semasa ke semasa meluluskan anggaran tambahan bagi maksud menunjukkan punca yang darinya sesuatu perbelanjaan tambahan yang dilakukan olehnya boleh dibayar.

### **Tidak boleh melakukan apa-apa perbelanjaan melainkan termasuk dalam Anggaran**

37. (1) Lembaga tidak boleh melakukan apa-apa perbelanjaan yang tidak termasuk dalam sesuatu anggaran yang diluluskan:

Dengan syarat bahawa tertakluk kepada peruntukan Perlembagaan ini Lembaga boleh memindahkan segala atau mana-mana bahagian wang yang diuntukkan—

(a) bagi satu butiran perbelanjaan berulang tahunan kepada satu butiran perbelanjaan berulang tahunan yang lain;

(b) bagi satu butiran perbelanjaan modal kepada satu butiran perbelanjaan modal yang lain.

(2) Subseksyen (1) tidak terpakai bagi—

(a) wang yang didepositkan dengan Universiti oleh mana-mana orang jika, menurut syarat deposit itu, mana-mana wang itu telah genap masanya untuk dibayar balik;

(b) wang yang dipungut dan dikreditkan kepada Kumpulan Wang Universiti dengan silap;

(c) wang yang kena dibayar oleh Universiti menurut apa-apa penghakiman atau perintah mahkamah;

(d) wang yang dibelanjakan oleh Universiti bagi membawa atau membela prosiding di sisi undang-undang; dan

(e) perbelanjaan yang berbangkit daripada apa-apa harta atau wang yang disebut dalam seksyen 39.

### **Bentuk Anggaran**

38. Anggaran tahunan dan anggaran tambahan hendaklah disediakan mengikut bentuk dan hendaklah mengandungi maklumat sebagaimana yang diarahkan oleh Lembaga, dan hendaklah menunjukkan dalam bahagian yang berasingan perbelanjaan berulang tahunan dan perbelanjaan modal Universiti.

### **Kuasa Lembaga untuk **mendapatkan dana**, menerima hadiah, dsb.**

39. (1) Lembaga boleh bagi pihak Universiti **mendapatkan dana bagi aktiviti akademik dan penyelidikan Universiti dan** menerima sebagai pemberian, hadiah, pemberian berwasiat, subsidi, legasi atau selainya, harta atau wang bagi membantu kewangan Universiti atas apa-apa syarat sebagaimana yang ditetapkan olehnya.

(2) Daftar hendaklah disenggarakan mengenai segala derma yang diberikan kepada Universiti termasuk nama penderma kepada Universiti dan apa-apa syarat khas mengenai sesuatu derma yang diberikan.

### **Harta yang diberikan bagi maksud tertentu hendaklah diakaunkan secara Berasingan**

40. Segala harta atau wang yang diberikan bagi sesuatu maksud tertentu hendaklah digunakan dan ditadbirkan mengikut maksud harta atau wang itu telah diberikan dan hendaklah diakaunkan secara berasingan.

### **Bentuk kontrak**

41. Apa-apa kontrak yang melibatkan perbelanjaan Universiti hendaklah dibuat secara bertulis dan ditandatangani bagi pihak Universiti oleh mana-mana kakitangan, pegawai atau pekerja Universiti yang diberi kuasa sewajarnya oleh Lembaga, sama ada secara khusus dalam apa-apa hal tertentu atau secara am bagi semua kontrak di bawah suatu nilai tertentu atau selainnya sebagaimana yang ditetapkan dalam pemberikuasaan itu.

42. *(Dipotong oleh Akta A946).*

### **Audit**

43. (1) Akaun Universiti hendaklah diaudit setiap tahun oleh juruaudit yang dilantik oleh Lembaga.

(2) Akaun yang diaudit, serta apa-apa pendapat yang dibuat mengenainya oleh juruaudit, hendaklah dibentangkan kepada Menteri.

## **BAHAGIAN VI PERUNTUKAN AM**

### **Konvokesyen**

44. (1) Konvokesyen untuk menyampaikan ijazah hendaklah diadakan setiap tahun, atau seberapa kerap mengikut sebagaimana yang diarahkan oleh Canselor, pada tarikh yang diluluskan oleh Canselor.

(2) Jika Canselor tidak hadir atau jika Pro-Canselor yang diberi kuasa bagi maksud ini oleh Canselor tidak hadir **Naib Canselor hendaklah menjadi pengerusi Konvokesyen.**

(3) *(Dipotong oleh Akta A946).*

### **Pelantikan guru dan pekerja**

45. (1) Semua orang yang diambil atau akan diambil kerja oleh Universiti sebagai guru, Pendaftar, Bursar atau Pegawai Perpustakaan, hendaklah dilantik sebagai yang demikian oleh Lembaga mengikut nasihat Jawatankuasa Pemilih.

(2) Semua orang yang diambil atau akan diambil kerja oleh Universiti kecuali orang yang disebut dalam subseksyen (1) hendaklah, tertakluk kepada mana-mana Kaedah atau Statut, dilantik oleh Lembaga.

(3) Tiap-tiap orang yang diambil kerja oleh Universiti hendaklah memegang jawatan mengikut apa-apa syarat sebagaimana yang ditetapkan oleh Lembaga dan syarat yang akan ditetapkan sedemikian hendaklah disifatkan sebagai termasuk peruntukan—

(a) berhubung dengan kewajipan mengajar, memeriksa, menyelia dan kewajipan lain yang seumpamanya, bahawa kerjanya adalah tertakluk kepada peruntukan Perlembagaan ini dan kepada peruntukan semua Statut, Kaedah dan Peraturan sebagaimana yang dipinda dari semasa ke semasa; dan

(b) berhubung dengan semua syarat perkhidmatan yang lain, bahawa kerjanya adalah tertakluk kepada peruntukan Perlembagaan ini dan kepada peruntukan semua Statut, Kaedah dan Peraturan yang berkuat kuasa pada tarikh dia mula bekerja.

(4) Tiada apa-apa jua dalam seksyen ini melarang Lembaga membuat apa-apa kontrak khas dengan seseorang yang hendak diambil kerja sedemikian oleh Universiti jika Lembaga berpendapat suai manfaat berbuat demikian.

### **Profesor Diraja**

46. (1) Walau apa pun seksyen 20 dan 45, Yang di-Pertuan Agong boleh, selepas berunding dengan Canselor, dari semasa ke semasa melantik orang yang mempunyai kepujian akademik yang luar biasa sebagai professor Universiti:

Dengan syarat bahawa bilangan orang yang dilantik sedemikian tidak boleh pada bila-bila masa lebih daripada tiga orang.

(2) Sesiapa yang dilantik di bawah subseksyen (1) hendaklah dikenali sebagai Profesor Diraja dan—

(a) hendaklah memegang jawatan mengikut apa-apa terma dan syarat sebagaimana yang difikirkan sesuai oleh Canselor dengan persetujuan Yang di-Pertuan Agong; dan

(b) tertakluk kepada syarat pelantikannya dan kepada apa-apa arahan oleh Canselor, hendaklah mempunyai segala kuasa dan melaksanakan segala kewajipan yang diberikan atau yang ditanggungkan ke atas profesor oleh Perlembagaan ini dan mana-mana Statut, Kaedah dan Peraturan yang dibuat di bawahnya.

### **Semua pelantikan hendaklah tertakluk kepada Akta Universiti dan Kolej Universiti 1971 dan apa-apa perundangan subsidiari di bawahnya**

46A. Walau apa pun seksyen 45 dan 46 atau peruntukan lain Perlembagaan ini, tiap-tiap orang yang diambil kerja oleh Universiti, termasuk profesor yang dilantik di bawah seksyen 46, hendaklah memegang jawatan tertakluk kepada peruntukan Akta Universiti dan Kolej Universiti 1971 [Akta 30] dan apa-apa perundangan subsidiari yang dibuat di bawahnya, ~~termasuk kaedah yang dibuat di bawah seksyen 16C Akta itu,~~ dan terma dan syarat pengambilan kerja atau pelantikan mereka hendaklah disifatkan sebagai termasuk peruntukan yang bermaksud demikian itu.

### **Menerima masuk pelajar**

47. Seseorang pelajar tidak boleh diterima masuk ke Universiti dalam sesuatu kursus pengajian untuk sesuatu ijazah melainkan jika dia telah memenuhikehendak yang ditetapkan oleh Kaedah-Kaedah:

Dengan syarat bahawa, kecuali dengan persetujuan Menteri, pelajar yang telah diberi biasiswa Persekutuan atau biasiswa Negeri, pinjaman atau bantuan kewangan lain yang seumpamanya dari wang awam untuk kursus ijazah Universiti, tidak boleh ditolak jika mereka memenuhi kehendak itu.

### **Majlis Perwakilan Pelajar**

48. (1) Pelajar berdaftar Universiti, selain pelajar luar, hendaklah pada kesemuanya menjadi suatu badan yang dinamai Kesatuan Pelajar-Pelajar Universiti (kemudian daripada ini dalam Perlembagaan ini disebut "Kesatuan").

(1A) Lembaga boleh membuat Peraturan-Peraturan bagi penjalanan pemilihan Majlis Perwakilan Pelajar dan bagi segala perkara yang berhubungan dengannya.

(2) Kesatuan hendaklah memilih suatu Majlis Perwakilan Pelajar-Pelajar (kemudian daripada ini dalam Perlembagaan ini disebut "MPP") mengikut cara yang berikut:

(a) pelajar berdaftar setiap **Kampus Cawangan**, Fakulti, Sekolah, Pusat, Akademi dan Institut hendaklah memilih melalui undi rahsia yang dijalankan oleh **ketua Kampus atau Dekan Fakulti atau Ketua Sekolah, Pusat, Akademi atau Institut**, mengikut mana-mana yang berkenaan, sebilangan pelajar berdaftar yang sama bilangannya daripada **Kampus Cawangan**, Fakulti, Sekolah, Pusat, Akademi dan Institut itu untuk menjadi wakil dalam MPP, **sebagaimana yang ditentukan oleh Naib Canselor**; dan

(b) pelajar berdaftar sebagai keseluruhan hendaklah memilih dengan undi rahsia yang dijalankan oleh mana-mana pegawai yang **dilantik oleh Naib Canselor** bagi maksud itu, beberapa orang pelajar berdaftar, mengikut sebagaimana yang ditentukan oleh Naib Canselor, untuk menjadi wakil dalam MPP, dan bilangan pelajar itu hendaklah, walau bagaimanapun, tidak lebih daripada setengah daripada bilangan wakil yang dipilih di bawah perenggan (a).

(3) MPP hendaklah memilih dari antara ahlinya seorang Yang Dipertua, seorang Naib Yang Dipertua, seorang Setiausaha dan seorang Bendahari dan hanya merekalah sahaja yang menjadi pemegang jawatannya, melainkan **jika dibenarkan secara bertulis sebaliknya oleh Naib Canselor**; pemegang jawatan yang dibenarkan sedemikian oleh **Naib Canselor** hendaklah dipilih oleh MPP dari antara ahli MPP.

(4) Ahli MPP dan pemegang jawatannya hendaklah dipilih selama satu tahun.

(5) Keputusan MPP hendaklah diambil mengikut undi terbanyak dengan tidak kurang daripada dua pertiga daripada ahli hadir dan mengundi.

(6) MPP boleh membentuk dari semasa ke semasa, dengan terlebih dahulu mendapat kelulusan secara bertulis daripada **Naib Canselor**, jawatankuasa *ad hoc* dari antara ahlinya bagi maksud atau tujuan tertentu.

(7) Tiada seseorang pelajar yang keputusan prosiding tatatertib terhadapnya masih ditunggu, atau yang telah didapati bersalah atas suatu kesalahan tatatertib, boleh dipilih atau terus lagi menjadi seorang ahli MPP atau seorang pemegang jawatan bagi mana-mana badan atau jawatankuasa pelajar, melainkan **jika dibenarkan secara bertulis oleh Naib Canselor**.

(8) Seseorang pelajar yang belum lagi masuk peperiksaannya yang pertama di Universiti bagi kursus pengajiannya atau yang telah gagal atau yang tidak masuk peperiksaan yang baharu lalu yang diadakan oleh Universiti bagi kursus pengajiannya sebelum sahaja sesuatu pemilihan atau pemilihan yang dicadangkan bagi MPP atau oleh MPP atau bagi atau oleh mana-mana pertubuhan atau badan pelajar yang lain adalah hilang kelayakan untuk dipilih ndalam pemilihan atau pemilihan itu.

~~(9) Tiada apa-apa jua dalam seksyen ini boleh menghalang seseorang siswazah, yang didaftarkan sebagai seorang pelajar untuk suatu ijazah yang lebih tinggi atau suatu diploma lepas ijazah, daripada menjadi seorang ahli bersekutu Kesatuan.~~

(10) Tujuan dan fungsi MPP ialah untuk:

(a) memupuk semangat hidup sebagai suatu perbadanan di kalangan pelajar Universiti;

(b) **tertakluk kepada arahan Naib Canselor**, menyusun dan menyelia kemudahan kebajikan pelajar di Universiti termasuk kemudahan rekreasi, aktiviti kerohanian dan keagamaan, dan pembekalan makanan dan minuman;

(c) membuat rayuan kepada Naib Canselor mengenai segala perkara yang berhubungan dengan atau berkenaan dengan keadaan hidup dan kerja pelajar Universiti;  
(d) diwakili dalam mana-mana badan yang boleh, mengikut sesuatu Kaedah yang dibuat oleh Lembaga bagi maksud itu, dilantik untuk menjalankan aktiviti kebajikan pelajar di Universiti; dan

(e) menjalankan apa-apa aktiviti lain sebagaimana yang ditetapkan oleh Lembaga dari semasa ke semasa.

(11) Kesatuan atau MPP tidak boleh menyenggarakan apa-apa kumpulan wang atau membuat apa-apa pemungutan wang atau harta dari apa-apa jua punca pun, tetapi apa-apa belanja yang berpatutan yang boleh dilakukan oleh MPP dengan terlebih dahulu **dibenarkan secara bertulis oleh Naib Canselor** boleh dibayar oleh Universiti jika tuntutan bertulis yang berpatutan yang disokong dengan resit dan baucar dikemukakan oleh MPP kepada **Naib Canselor dan diluluskan oleh Naib Canselor**.

(12) Bendahari hendaklah menyimpan akaun MPP dengan sepatutnya dan tidak lewat daripada tiga bulan selepas berakhir tiap-tiap tahun kewangan, iaitu suatu tahun kewangan sebagaimana yang **ditentukan oleh Naib Canselor**, suatu salinan akaun tersebut yang diaudit oleh seorang yang dilantik oleh Lembaga hendaklah dikemukakan oleh MPP kepada Lembaga untuk diluluskan.

(13) MPP hendaklah mengadakan mesyuarat dari semasa ke semasa sebagaimana yang difikirkannya perlu dan adalah menjadi kewajipan Setiausaha menyimpan minit tiap-tiap mesyuarat MPP dan minit itu hendaklah disahkan di suatu mesyuarat yang berikutnya.

~~(14) Bagi maksud seksyen ini “pelajar berdaftar” ertinya seorang pelajar yang sedang mengikuti suatu kursus pengajian di Universiti untuk suatu ijazah atau suatu diploma, yang bukan suatu diploma lepas ijazah, dan termasuklah seorang pelajar yang memegang suatu diploma dan sedang mengikuti suatu kursus pengajian untuk suatu ijazah:~~

~~Dengan syarat bahawa seseorang pelajar adalah terhenti menjadi seorang pelajar berdaftar mengikut pengertian subseksyen ini—~~

~~(a) apabila disiarkan keputusan peperiksaan akhir bagi kursus pengajian itu, jika dia lulus peperiksaan itu; atau~~

~~(b) apabila disiarkan keputusan sesuatu peperiksaan bagi kursus pengajian itu, jika dia gagal dalam peperiksaan itu, sehingga dia, kemudiannya, didaftarkan sekali lagi bagi kursus pengajian itu atau bagi suatu kursus pengajian lain yang berkenaan dengan seseorang pelajar berdaftar di bawah subseksyen ini.~~

(14) (a) Bagi maksud seksyen ini—

“pelajar berdaftar” ertinya seseorang pelajar yang mengikuti kursus pengajian di Universiti untuk suatu ijazah atau diploma termasuk diploma lepas ijazah, tetapi tidak termasuk seorang pelajar luar ;

“pelajar luar” ertinya seseorang pelajar berdaftar di Kampus di luar Malaysia atau seseorang pelajar yang mengikuti suatu program jangka pendek, sambilan, pembelajaran jarak jauh, program pertukaran atau bersekutu, sama ada di dalam atau di luar Malaysia.

(b) Seorang pelajar berdaftar hendaklah terhenti menjadi pelajar berdaftar di bawah seksyen ini—

- (i) apabila disiarkan keputusan peperiksaan akhir bagi kursus pengajian itu, jika dia lulus peperiksaan itu; atau
- (ii) apabila disiarkan keputusan mana-mana peperiksaan bagi kursus pengajian itu, jika dia gagal dalam peperiksaan itu, sehingga dia, kemudiannya, didaftarkan sekali lagi bagi kursus pengajian itu atau kursus pengajian lain yang berkenaan dengan seseorang pelajar berdaftar di bawah subseksyen ini.

### **Penubuhan badan pelajar lain**

49. (1) Walau apa pun seksyen 48 sah di sisi undang-undang bagi tidak kurang daripada sepuluh orang pelajar Universiti dengan mendapat kelulusan terlebih dahulu daripada Lembaga Naib Canselor dan tertakluk kepada apa-apa terma dan syarat sebagaimana yang ditentukan oleh Lembaga Naib Canselor, menubuhkan suatu badan pelajar yang terdiri daripada pelajar Universiti bagi memajukan sesuatu tujuan atau kepentingan tertentu dalam Universiti.

(2) Subseksyen 48(3), (4), (5), (6), (7), (8), (11), (12) dan (13) hendaklah terpakai *mutatis mutandis* bagi sesuatu badan pelajar yang ditubuhkan di bawah seksyen ini sebagaimana ia terpakai bagi MPP.

50. (Dipotong oleh Akta A295).

### **Perbuatan yang melampaui had kuasa Perlembagaan MPP atau sesuatu badan pelajar**

51. (1) Jika Kesatuan atau MPP atau sesuatu badan pelajar yang ditubuhkan di bawah seksyen 49 menjalankan urusannya secara yang, pada pendapat Lembaga, boleh merosakkan atau memudaratkan kesentosaan atau nama baik Universiti atau melakukan perbuatan yang bersalahan dengan Perlembagaan Universiti atau Perlembagaannya sendiri, atau mana-mana Statut, Kaedah atau Peraturan Universiti, Lembaga boleh menggantung atau membubarkan Kesatuan atau MPP atau badan pelajar tersebut, mengikut mana-mana yang berkenaan; dan dengan tidak menyentuh apa-apa tanggungan yang mungkin berbangkit di bawah mana-mana undang-undang bertulis lain yang berkuat kuasa, tiap-tiap pemegang jawatan dalam Kesatuan atau MPP atau badan pelajar tersebut, mengikut mana-mana yang berkenaan, boleh dibuang daripada Universiti atau dikenakan apa-apa hukuman tatatertib.

(2) Subseksyen (1) adalah tambahan kepada dan tidak mengurangkan kuasa seksyen 16 Akta Universiti dan Kolej Universiti 1971.

### **Kuasa untuk mewakilkan**

52. (1) Jika menurut peruntukan Perlembagaan ini atau mana-mana Statut, Kaedah atau Peraturan, seseorang pegawai atau sesuatu pihak berkuasa diberi kuasa untuk menjalankan apa-apa kuasa atau melaksanakan apa-apa kewajipan, pegawai atau pihak berkuasa itu boleh dengan surat cara bertulis dan tertakluk kepada seksyen ini dan kepada apa-apa syarat dan sekatan yang ditetapkan dalam surat cara itu, mewakilkan kuasa atau kewajipan itu supaya dijalankan oleh mana-mana pihak berkuasa atau jawatankuasa atau mana-mana orang yang dinyatakan dalam surat cara itu mengikut nama atau jawatannya.

(2) Sesuatu perwakilan di bawah seksyen ini boleh dibatalkan pada bila-bila masa oleh pegawai atau pihak berkuasa yang membuat perwakilan itu.

(3) Tiada apa-apa perwakilan kuasa atau perwakilan kewajipan di bawah seksyen ini boleh menyentuh hak pegawai atau pihak berkuasa yang membuat perwakilan itu untuk menjalankan kuasa atau melaksanakan kewajipan itu.

(4) Tiada apa-apa jua dalam seksyen ini terpakai bagi apa-apa kuasa untuk membuat atau meluluskan Statut, Kaedah-Kaedah atau Peraturan-Peraturan.

#### **Pelucutan ijazah, dsb., atas alasan salah aku**

~~53. (1) Jika mana-mana ahli sesuatu Pihak Berkuasa, atau seseorang mahasiswa Universiti, atau seseorang yang telah menerima ijazah, diploma, sijil atau kepujian akademik lain daripada Universiti, disabitkan oleh sesuatu mahkamah atas suatu kesalahan jenayah yang buruk sama ada dalam atau luar Malaysia, atau pada pendapat Lembaga melakukan perbuatan skandal, sah bagi Canselor, dengan sokongan tidak kurang daripada dua pertiga daripada semua ahli Lembaga—~~

~~(a) membuangnya daripada menjadi ahli Pihak Berkuasa itu; atau~~

~~(b) melucutkan apa-apa ijazah, diploma atau kepujian akademik lain yang telah diberikan kepadanya oleh Universiti.~~

(1) Jika Lembaga berpendapat bahawa mana-mana mahasiswa Universiti atau mana-mana orang yang telah menerima sesuatu ijazah, diploma, sijil atau kepujian akademik lain daripada Universiti bersalah atas perbuatan skandal, maka adalah sah bagi Canselor, dengan sokongan tidak kurang daripada dua pertiga daripada semua ahli Lembaga, selepas memberikan peluang untuk didengar kepada mahasiswa itu atau orang yang berkenaan, untuk melucutkan apa-apa ijazah, diploma, sijil atau kepujian akademik lain yang diberikan kepadanya oleh Universiti.

(2) Perbuatan skandal dalam subseksyen (1) termasuklah **ertinya** dengan sengaja memberi mana-mana kakitangan, pegawai, pekerja atau Pihak Berkuasa Universiti apa-apa maklumat atau dokumen yang palsu atau mengelirukan dalam apa-apa butir material untuk mendapatkan ijazah, diploma, sijil atau kepujian akademik lain daripada Universiti itu.

#### **Pertikaian mengenai pemilihan diputuskan oleh Menteri**

54. Jika berbangkit apa-apa soal sama ada seseorang telah dipilih, dilantik, dicalonkan, atau dipilih masuk menjadi ahli dengan sempurnanya atau pun berhak menjadi atau terus menjadi ahli bagi mana-mana Pihak Berkuasa atau badan Universiti lain soal itu hendaklah dirujuk kepada Menteri dan keputusannya adalah muktamad.

55. *(Dipotong oleh Akta A80).*

## AKTA 30

### AKTA UNIVERSITI DAN KOLEJ UNIVERSITI 1971

---

#### JADUAL KEDUA.

#### [Subseksyen 12(3) Perlembagaan]

##### Hilang Kelayakan

1. Orang yang berikut hilang kelayakan untuk dilantik sebagai atau untuk menjadi ahli sesuatu Pihak Berkuasa Universiti:

(a) jika telah dibuktikan terhadapnya, atau dia telah disabitkan atas, suatu pertuduhan berkenaan dengan—

(i) kesalahan yang melibatkan fraud, kecurangan atau keburukan akhlak;

(ii) kesalahan di bawah undang-undang yang berhubungan dengan rasuah;

(iii) kesalahan di bawah Akta ini; atau

(iv) apa-apa kesalahan lain yang boleh dihukum dengan pemenjaraan selama tempoh yang tidak melebihi dua tahun;

(b) jika dia menjadi bankrap; atau

(c) jika dia didapati atau ditetapkan tidak sempurna akal atau selainnya tidak berupaya untuk menguruskan hal ehwalnya.

##### Terhenti menjadi ahli

2. Seseorang ahli Pihak Berkuasa hendaklah terhenti menjadi ahli—

(a) jika dia tidak menghadiri mesyuarat Pihak Berkuasa tiga kali berturut-turut tanpa kebenaran pengerusi Pihak Berkuasa itu; atau

(b) jika pelantikannya ~~dibatalkan~~ **dibatalkan atau dia meletakkan jawatan; atau**

**(c) jika dia hilang kelayakan di bawah perenggan 1.**

##### Peletakan jawatan

3. Seseorang ahli Pihak Berkuasa boleh meletakkan jawatan dengan memberikan notis satu bulan secara bertulis kepada pengerusi Pihak Berkuasa.

### **Pengisian kekosongan**

4. Jika mana-mana orang terhenti menjadi ahli Pihak Berkuasa oleh sebab peruntukan Akta ini, seorang lain boleh dilantik untuk mengisi kekosongan itu bagi tempoh selebihnya yang baginya ahli itu dilantik.

### **Elaun**

5. Ahli Pihak Berkuasa hendaklah dibayar elaun sebagaimana yang ditentukan oleh Menteri.

### **Pihak Berkuasa boleh mengundang orang lain menghadiri mesyuarat**

6. (1) Pihak Berkuasa boleh mengundang mana-mana orang untuk menghadiri mesyuarat atau pertimbangtelitian Pihak Berkuasa bagi maksud menasihatinya tentang apa-apa perkara yang dibincangkan tetapi orang itu tidaklah berhak mengundi pada mesyuarat atau pertimbangtelitian itu.

(2) Seseorang yang diundang di bawah subperenggan (1) hendaklah dibayar apa-apa elaun sebagaimana yang ditentukan oleh Pihak Berkuasa.

### **Minit**

7. (1) Pihak Berkuasa hendaklah menyebabkan minit segala mesyuaratnya disenggarakan dan disimpan dalam bentuk yang sepatutnya.

(2) Minit yang dibuat mengenai mesyuarat Pihak Berkuasa hendaklah, jika ditandatangani dengan sewajarnya, diterima sebagai keterangan dalam segala prosiding undang-undang tanpa bukti selanjutnya.

(3) Tiap-tiap mesyuarat Pihak Berkuasa berkenaan dengan prosiding yang mengenainya minit telah dibuat sedemikian hendaklah disifatkan telah dipanggil dan diadakan dengan sewajarnya dan semua ahli pada mesyuarat itu layak dengan sewajarnya untuk bertindak.

### **Pendedahan kepentingan**

8. (1) Seseorang ahli Pihak Berkuasa yang, secara langsung atau secara tidak langsung, mempunyai sendiri atau melalui pekongsinya—

(a) sesuatu kepentingan dalam syarikat atau perusahaan yang dengannya Pihak Berkuasa itu bercadang hendak membuat sesuatu kontrak; atau

(b) sesuatu kepentingan dalam kontrak atau perkara yang sedang dibincangkan oleh Pihak Berkuasa,

hendaklah mendedahkan hakikat dan jenis kepentingannya itu kepada Pihak Berkuasa.

(2) Sesuatu pendedahan di bawah subperenggan (1) hendaklah direkodkan dalam minit Pihak Berkuasa dan, melainkan jika dibenarkan secara khusus oleh pengerusi, ahli itu tidak boleh mengambil bahagian dalam pertimbangtelitian atau keputusan Pihak Berkuasa yang berhubungan dengan kontrak atau perkara itu.

## Kesahan perbuatan dan prosiding

9. Tiada perbuatan yang dilakukan atau prosiding yang diambil di bawah Perlembagaan ini boleh dipersoalkan atas alasan bahawa—

(a) ada kekosongan dalam keahlian, atau ada kecacatan dalam penubuhan, Pihak Berkuasa;

(b) ada pelanggaran perenggan 8 oleh seseorang ahli Pihak Berkuasa; atau

(c) ada peninggalan, kecacatan atau ketidakteraturan yang tidak menyentuh merit perkara itu.

## AKTA 30

### AKTA UNIVERSITI DAN KOLEJ UNIVERSITI 1971

---

#### SENARAI PINDAAN.

<i>Undang-undang yang meminda</i>	<i>Tajuk ringkas</i>	<i>Berkuat kuasa dari</i>
Akta A80	Akta Universiti dan Kolej Universiti (Pindaan) 1971	24-09-1971
Akta A295	Akta Universiti dan Kolej Universiti (Pindaan) 1975	13-05-1975
Akta A550	Akta Universiti dan Kolej Universiti (Pindaan) 1983	20-02-1983
Akta A946	Akta Universiti dan Kolej Universiti (Pindaan) 1996	01-10-1996
Akta A1342	Akta Universiti dan Kolej Universiti (Pindaan) 2009	01-02-2009